


武庫
卷之九
目錄

武庫
132
止



70

75

80

85

90

95



門 賦 9
卷 132
止

張氏醫通纂要卷四

三河

滕烏巢

輯錄

平安

滕主篤

校正

婦人科經候

○飲食入胃。遊溢精氣。上輸於脾。脾氣散精。

上歸於肺。通調水道。下輸膀胱。水精四布。五

經並行。故心脾和平。則經候如常。苟或七情

內傷。六淫外侵。飲食失節。起居失宜。脾胃虛

損。則月經不調矣。若先期而至者。有因肝脾

血燥。有因脾經鬱滯。有因肺經怒火。有因血

分有熱。有因勞役火動。其過期而至者。有因

脾經血虛。有因肝經血少。有因氣虛血弱。治

法因肝脾血燥者。加味道遙散。脾經鬱滯者。

歸脾湯。肝經怒火者。小柴胡加生地。血分有

熱者。四物湯加白朮。茯苓。柴胡。丹皮。勞役火

動者。補中益氣湯。脾經血虛者。十全大補湯。

肝經血少者。六味丸。氣虛血弱者。八珍湯。

歸附丸

治氣亂。經期或前或後。

當歸 四兩

香附 八兩

童便浸透。眼乾
再加酒醋。薑四製

為細末。醋糊丸。空心砂仁湯下三錢。
 血虛加熟地八兩。虛寒加桂附各一兩。帶下
 氣腥加吳茱萸。蘄艾各一兩。臍下冷痛加桂
 附沉香各一兩。丁香三錢。經行少腹先痛。或
 血色紫黑結塊。加醋煮菝葜二兩。沉香一兩。
 經後少腹虛痛。加參耆阿膠各四兩。蘄艾二
 兩。經水色淡。加姜桂各二兩。人參四兩。
 ○曾傷胎。瘀血停留。小腹急痛。五心煩熱者。
 加味道遙散。

○經水有先期而來者。多屬熱。其證有二。血
 熱者。腹多不痛。身多熱。此火也。其色必紫。脈
 必洪數。四物湯中川芎減半。易生地。加條芩
 丹皮。香附。虛熱者。四物合保元。不應。加炮姜
 宣連。炒黑香附。乾嗽者。道遙散。氣多血虛者。
 腹必疼。藿香正氣散。加芎歸香附。慎用涼藥。
 若婦人年四十餘。經水每月二三至者。此少
 年恣意太過。後必崩淋。
 ○經水後期來者。多屬寒。其證有三。血虛腹
 多不痛。微微身熱。間亦有痛者。乃空痛也。脈
 必大而無力。或浮瀦滯細。宜調氣生血。八物

加香附。虛則四物加參朮黃耆升麻陳皮。氣
 滯血虛者。四物加丹皮香附。肥盛多痰。去地
 黃。再加橘半茯苓。血寒脈必沉遲弦緊。歸附
 九。過期色淡者。痰多也。二陳加柴胡香附肉
 桂。若過期兼白帶者。艾煎丸加香附。若欬忌
 香附。逍遙散加丹皮。嗽而瀉者。養胃湯。血瀦
 滯者。胸飽腰痛。腹醋煎散。或七氣湯加減。
 ○衝任虛損。少腹有寒。月水過期不能受孕
 者。溫經湯

四烏湯

治經水有紫黑色。腹痛者。乃氣血相
 併也。腹不痛者。血熱也。淡紅色者。血虛也。其
 來必皆不准。腹痛者。

當歸小 川芎小 地黃大 芍藥中
 烏茶 香附子 甘草小

增損四物湯

治前症不痛。色淡者。
 或加蓬朮川連。益可也。不痛者。但加川連。

當歸 川芎 芍藥大
 人參中 甘草 炮姜小
 礬石丸 治婦人經水不利下白物。
 礬石燒過三錢 杏仁一錢

右二味蜜丸棗核大內陰中

土瓜根散 治瘵積經水不利。或一月再見。及陰頰腫。

土瓜根 芍藥 肉桂 麋蟲等分
右四味為散。酒服方寸匕。日三服。

崩漏

陰虛陽搏謂之崩。又云。陰絡傷則血內溢。又云。脾統血。肝藏血。崩之為患。或脾胃虛損。不能攝血。或肝經有火。血熱妄行。或怒動肝火。血熱騰沸。或脾經鬱結。血不歸經。或悲傷胞絡。血崩下脫。治療之法。脾胃虛弱者。六君子加芍歸柴胡。脾胃虛陷者。補中益氣加酒炒白芍。肝經血熱者。四物湯加柴胡山梔丹皮。肝經怒火。小柴胡加山梔芍藥丹皮。脾經鬱火。歸脾湯加山梔。故先哲云。凡下血證。須用四君子收功。斯言厥有旨哉。若大脫血後。母以脈診。急用獨參湯加當歸救之。其發熱潮熱。效嗽脈數。乃是元氣虛弱。假熱之脈也。尤當加用人參。此等證候。無不由脾胃先損而。

患故脈洪大。察其中有胃氣。受補可救。誤投寒涼之藥。復傷脾胃生氣。使血反不歸源也。○暴崩下血不止者。乃血不歸經。陰血隨陽盛之勢。妄行下漏也。身熱不痛者。道遙散加熟地川芎。不應。此血熱沸騰也。四物湯加芍藥肉桂。

防風丸 治風入胞門。崩漏下血。色清淡者。

防風勿見

為末。醋丸。梧子大。空腹葱白湯下二錢五分。
子苓丸 治風熱入犯肝經。崩漏下血。色稠紫者。

條黃芩 酒炒

為末。酒丸。梧子大。空腹烏梅湯下三錢。

茯苓補心湯 治心氣不足。善悲愁恚怒。衄血面黃煩悶。五心煩熱。獨語不覺。婦人崩中面赤。

茯苓六錢

桂枝三錢

甘草二錢

紫石英碎如米

人參

麥門冬去心各五錢

大棗四枚

赤小豆一合

水煮日三服

小牛角腮散 治帶下五崩下血。外實內虛之病。

牛角腮一枚燒令赤 鹿茸

禹餘糧

當歸 乾姜

續斷各二兩

阿膠三兩 烏鯛骨

龍骨各一兩

赤小豆六合

右十味為散。空腹溫酒服方寸匕。日三服。

伏龍肝湯 治勞傷衝任崩中去血赤白相兼。或如豆汁臍腹冷痛口乾食少。

伏龍肝如彈子大七枚 生姜

生地黄各兩半

甘草

艾葉

赤石脂

桂枝各六

右七味咬咀。以水一斗。煮取三升。分四服。日三夜一。

旋覆花湯 治虛風襲入膀胱。崩漏鮮血不止。

旋覆花三 葱五莖

新絳注用尺許

右三味水煎頓服。

旋復性專下氣。兼葱則能散結祛風。佐以繭絲專補膀胱。加以紅藍染就。深得本經散結氣之旨。

經閉

室女婦人諸病。以調經為先。調經以理氣為要。蓋氣不和。則血不流。故經閉。然其證不一。小腹疼痛。血海虛寒也。或潮熱。頭目昏沉。肢體勞倦。五心煩熱。怔忡面赤。口燥唇裂。盜汗身疼者。血氣虛損也。並宜溫經湯。腹中結塊。腰腿重痛。及少腹痛如錐刺者。瘀血凝滯也。四物加肉桂蓬朮。貌本壯實。飲食減少者。胃氣不調也。蓋胃氣不和。亦令經水不調。逍遙散下歸附丸。

○經水不通而逆行者。或吐血。或衄血。或唾血。或血腥通宜。四物加韭汁童便甚。則從虛勞例。用巽順丸烏骨雞丸治之。

失笑散 治婦人瘀結少腹急痛。

五靈脂酒研澄去砂 蒲黃淨生半炒半等分

為散。每服二錢半。酒煎入砂糖少許。和滓服。少頃再服。瘀結腹痛。經水反多。元氣虧弱。茶力不行者。用人參二三錢。調服以擊搏之。○婦人經閉。肥白者多痰。去痰經自行。二陳

加芎歸川連南星枳實生薑竹瀝稟厚恣於酒食者平胃散加姜汁炒川連歸尾半夏姜汁黑瘦者多血枯四物加參耆香附丹皮。

○經閉脈沉弱少腹痛屬寒結四烏湯芍藥用桂酒製烏茶用附子製。

○寡婦尼姑經閉勞也加味道遙散加無灰酒竹瀝。

○娼妓本無經閉之理間或有之勞也十全大補中肉桂可用二三錢。

蘆薈丸 治肝疳口舌生瘡牙齦腐爛遍體生瘡及婦人熱結經閉作塊上衝梗痛。

蘆薈

青黛

硃砂

另研水飛各三錢

麝香一錢

大皂莢

去皮弦子一兩乾蟾一兩同皂莢燒存性

為細末蒸餅糊丸麻子大每服三五十丸空心米湯下。

帶下

帶下之證起於風氣寒熱所傷入於胞宮從帶脈而下故名為帶有五色不只赤白白帶者屬氣虛甚則腰痛如虛不甚則不痛若氣

鬱甚則腰痛頭疼眼花此虛證也千金內補當歸建中湯加醋製香附或草薢分清飲量肥瘠選用。

艾煎丸 治赤白帶下。

四物湯本方歸地芍各二兩川芎一兩加人參石菖蒲炒吳茱萸用醋開口者各一兩為末川蘄艾四兩酒煎濃汁入糯米糊為丸梧子大每服百丸醇酒下更加肉桂熟附子各一兩香附四兩名艾附丸。赤帶多腰痛加續斷杜仲若肥盛蒼黑面肌肉堅者為溼熱下注平胃散加姜製星半酒炒芩連。

五積散 治婦人赤白帶下。

依本方加香附子小茴香吳茱萸。

四仙散 治婦人白帶。

蒼朮一兩酒浸去黑皮炒乾白芷川芎大附麩包煨去皮各五錢

右為末每服五分空心好酒調下。

香朮丸 治婦人白帶臍腹脹痛。

香附醋浸者乾八兩蒼朮米泔浸四兩陳皮當歸酒洗

白芍酒炒川芎熟地黃姜汁酒浸焙各二兩

右為末。酒糊為丸。如梧桐子大。每服三十九。空心温酒送下。

加味

二陳湯 治帶下屬濕痰者。依本方。加蒼朮。白朮。升麻。柴胡。

固經丸

治帶下屬濕熱者。

黃栢酒浸

香附炒各一兩

山梔炒黑

敗龜酒炙各二兩

白朮

白芍酒炒各七錢

山茱萸酒蒸

貝母

椿根皮酒炒各五錢

乾姜炒各二錢

苦參五錢

右為末。酒糊為丸。梧桐子大。每服八十九。空心滾熟水下。

○肥人多是溼痰。越鞠丸。加滑石。海石。蛤粉。星。半。茯苓。椿皮。作丸服。

○瘦人多是熱。以大補丸。加滑石。海石。椿皮。龜版灰。作丸服。必須斷厚味。

○帶下脈浮惡寒。腥臭不可近者。難治。

妊娠門

紫蘊和氣飲

凡胎前一切諸病。宜加減而用。

紫蘊

當歸

川芎

芍藥

陳皮

大腹皮

香附

甘草

右入姜葱煎服。○一方。加人參。氣虛者亦可。

○妊娠胎氣不和。湊上心腹脹痛。加木香。○

嘔吐不止。是惡阻也。加茯苓。白朮。半夏。砂仁。

藿香。神麴。丁子。○胎漏下血。加熟地。阿膠。白朮。黃芩。砂仁。艾葉。糯米。○如胎漏下血。心脹

脹痛者。先以川芎。當歸各五分。酒煎入童便。一服立止。○胎氣不固。常慣小產。預服此。以

固胎元。加熟地。阿膠。黃芩。砂仁。桑寄生。白朮。糯米。○因事胎動不安。及下血。欲墜者。加熟

地。人參。白朮。茯苓。黃芩。阿膠。砂仁。○欬嗽吐

痰。加桑白皮。杏仁。貝母。○泄瀉。加白朮。茯苓。

○瘧。加枳椇。草果。青皮。良香。半夏。茯苓。葛根。

○胎痛。加阿膠。延胡。黃芩。○妊七八箇月前

後。面目浮腫。加熟地。茯苓。沃瀉。白朮。黃芩。山

梔。麥冬。厚朴。○口禁。不省人事。言語錯亂。加

生地。半夏。茯苓。麥門。遠志。菖蒲。竹茹。○心痛

加延胡。乳香。○腰痛不可忍。加破胡紙。茴香。

杜仲。○白濁白帶。加熟地。半夏。茯苓。蒼朮。牡

蛻。龍骨。○小便淋瀝不通。加木通。車前子。滑

石。○大便閉澀。加生地。枳實。黃連。○妊。至九

箇月。加枳實、黃芩、白朮、砂仁、名達生散。臨產驚恐氣結，連日不下，加枳殼。孕後覺氣不安，或腹微痛，或腰作痛，或飲食不美，或胎動下血，及五六箇月內，常服數劑甚妙。加熟地、黃芩、白朮、砂仁、阿膠。

當歸貝母苦參丸 治妊娠煩熱小便難

當歸 貝母去心 苦參等分

右三味蜜丸如小豆大，飲服三九，加至十九。

葵子茯苓散 治妊娠小便不利惡寒頭眩

葵子五兩向日葵子也 茯苓一兩

右二味為散，飲服方寸匕，日三服。

鯉魚湯 治妊娠遍身浮腫胎間有水氣

白朮 茯苓 當歸 芍藥各三

橘皮一 生姜五片 活鯉魚重劍許者一頭

右六味先煮鯉魚至熟，澄清取汁，內藥煎汁分五服，日三夜二，虛加人參一錢五分。

竹瀝湯 治子煩，妊娠若煩悶，頭目昏重，是心

肺虛熱，或痰積於胸

竹瀝一盞 麥門冬去心 防風

黃芩各三 茯苓四

右五味以水四升，合竹瀝煮取二升，分三服，不瘥更作。

加味竹葉湯 治子煩吐涎惡食吐甚則胎動

不安煩悶口乾不得眠者

白茯苓一 麥門冬去心二 黃芩一

人參一 竹葉五片 粳米一撮

水煎空腹熱服，肥人加半夏、夏生薑原方無人參、粳米

芎歸湯 治胎漏下血不止，或心腹脹，一服立

效

當歸尾 川芎各五錢

右剉一劑，酒煎入童便一盞同服。

膠艾四物湯 一名安胎飲，治胎漏下血腹痛

當歸 川芎 白芍 熟艾葉 阿膠少許

條芩 白朮 砂仁 香附 艾葉少許

右剉劑糯米一撮，水煎空心服。

佛手散 治妊娠五七箇月，因事築碯著胎，或

子死腹中，惡露下，痛不止，口噤欲絕，用此茶

探之，若不損則痛止，子母俱安，若胎損即便

逐下

當歸六 川芎四 益母草五

胎動

婦七

右剉一劑。水煎入酒一盞。再煎一沸。溫服。如人約行五里。再進一服。

胎動

桂心茯苓丸 治妊娠癥瘕下血。胎動在於臍上。

桂心 茯苓 牡丹皮

桃仁去皮尖熬 赤芍藥等分

右五味蜜丸如兔屎大。每日食前一丸。不知知至三丸。

乾薑地黃散 治妊娠漏胎下血。

乾姜炮一兩 乾地黃六兩切焙

右二味為散。酒服方寸匕。日三服。

白薇散 治妊娠肺熱遺尿。

白薇 白芍等分

右二味為散。酒服方寸匕。日三夜二服。

芩木芍藥湯 治妊娠腹中滿痛。又手不得飲食。

黃芩二錢 白朮六錢 白芍四錢

右三味水煎分三服。半日令盡。微下水則易產。日飲一劑為善。

瘦胎散 即枳殼散 治妊娠體肥胎氣不運。在九箇月服。

黃芩酒炒一兩 白朮一兩 枳殼炒七錢半

為散。每服二錢。饑時砂仁湯下。不可多服。恐傷正氣。瘦弱者勿服。

○子懸 胎氣湊泊上心。忽然昏暈。人事不省。謂之子懸。必妊娠素多鬱悶。痰氣壅塞。致胎不安。乘其鬱火升迫心下。喘脹腹痛。甚則忽然仆地。急宜童便灌之。次以紫蘇飲加鈎藤茯苓姜汁童便。將產時昏眩。亦宜紫蘇飲。若誤作中風治之。必殆。

○子癇 妊娠體虛受風。則口噤背強。冒悶不識人。須叟自蘇。良久復作。謂之風癇。亦名子癇。甚則角弓反張。逍遙散加菴活羚羊角。棗仁鈎藤。豆淋酒煎服。鄭守恒云。子癇一證。人不易識。或眩暈。或冷麻。重至仆地。不省人事。驗其平日眼目昏沉。或認白為黑。認黑為白。是其漸也。

○乳泣腹啼 未產乳汁先下。此名乳泣。生子多不育。又有兒在腹中啼哭者。因妊婦登

高舉臂。脫出兒口中血乳。以此作聲。令妊婦曲腰就地。如拾物狀。或令掃地。仍入兒口。即止。亦有胎熱不安而啼者。以黃連濃煎汁。妊娠時時呷之。

惡阻

四君子湯加烏茶。香附。橘皮。

效而渴者。加橘皮。五味。生姜。○胸中憤悶。四肢沉重。怠惰不能轉舒。惡聞食氣。喜鹹。而胎動不安。嘔逆不食者。理中湯。加茯苓。木香。半夏。○中脘停痰。二陳湯。加枳殼。○飲食停滯者。香砂六君子湯。加枳殼。○脾胃虛弱。異功散。兼氣腦。加枳殼。砂仁。○飲食少思。六君子湯。加紫蘓。桔梗。○頭暈體倦。六君子湯。嘔吐不食。倍苓半。

半夏茯苓湯 治妊娠惡阻。心煩頭眩。惡寒汗出。少食。

半夏

生姜

各四錢

乾地黄

茯苓

各二錢半

橘皮

旋覆花

細辛

人參

各一錢

芍藥

芎藭

桔梗

甘草

各一分

右十二味。水煎服。二劑。便急使服。茯苓丸。令

能食便強健也。

金生白朮散 治妊娠子腫。

白朮

姜皮

大腹皮

去外垢內膜盡

橘皮

茯苓

各半兩

為散。每服三錢。水煎和滓。日三服。

臨蓐

達生散 妊娠九箇月。宜服之。

紫蘓和氣飲。去川芎。加白朮。黃楊腦三枚。催生者。達生散。去芍藥。加枳殼。童便。

○難產腹痛。久而未產。惡露少者。雖久不妨。若連腰痛甚者。將產也。如胞水先破。惡露行盡。累日不能下者。當補養氣血。急用佛手散。加入參二三錢。入熱童便調服。或用前茶送。兔腦丸。亦妙。

芎歸湯 催生之良方也。

當歸

川芎

各等分

右二味。炒研為散。紅酒調服。

○死胎者。胎母面赤。舌青。腹中陰冷。重墜是其候也。然不若見紫黑血塊。血繆。至若爪甲

臨蓐

婦九

與舌俱青。腹中氣喘。口中臭氣者危。急令穩婆動手。以法下之。

香桂散 治子死腹中。或胞衣不下。服後片時如手推出。

肉桂三錢

麝香三分

為散。酒煎和滓服。冬月胎死。堅鞭腹中冷。加烏頭。

○死胎腹痛。大熱脉散。五積散。加姜附。立下。若不効。平胃散。加芒硝大。必下。

●交骨不開。因元氣不足。加味佛手散。元氣不虛者。只用佛手散。若見咬牙昏暈。急以熱小便灌之。稍遲則不救。

加味佛手散

當歸三錢

川芎一錢

人參自三錢至五錢

炒研為末。紅酒調服。臨服入童便。

●傷胎 臨月。胞水不破。血先下者。此是傷胎。非產也。大劑保元湯。如當歸。童便。最為得力。因產行動。已傷其胎。而發熱者。多危。紫蘓飲。倍人參。

●胞乾 臨月。胞水悉露破盡。致兒乾閣難

濡。達生散。去木。倍人參。若胞衣破久。其血已涸。元氣困憊。急用上好人參兩許。當歸二錢。煎飲盡。則再煎。

●橫生逆產 宜用手練穩婆。內服獨參湯。如當歸。童便。切勿驚怖產母。

一方

灸右足小指尖頭三炷。艾炷如小麥大

兔腦丸 治妊娠難產。催生第一神方。

麝香取當門子一錢

明乳香二錢

母丁香二錢

右為細末。揀臘月天。醫日修合。活劈兔腦為丸。如芟實大。硃砂為衣。蠟和收藏。待臨盆腰痛兒不能下。用白湯團圖送下。其子立產。兔用小者為真。若形如兔而大者。乃搏也。誤用則不驗。即真兔之死者亦不驗。修合時忌見雞犬婦人孝服及諸魔物。

半產 小產

半產重於大產。蓋大產如果熟自脫。小產如生採。破其皮殼。斷其根蒂。豈不重於大產。但人輕忽致死者多。治法宜補形氣。生新血。去

瘀血未足月痛而欲產。八珍去茯苓熟地。加膠艾薏草。若胎下而血不止。參薏朮草。膠艾歸芍之類。有熱加炮姜茯苓。半產而心腹痛。或發寒熱。以手按之愈痛者。宜散瘀血。芎歸延胡。桃仁香附。丹皮澤蘭童便之屬。若按之則痛緩。是血虛。八珍去芍加炮姜。若痛而嘔吐作瀉。是胃虛。六君子加炮姜。凡胎氣弱。欲小產者。八珍湯固之。若出血過多而發熱。聖愈湯。汗不止急用保元湯發熱煩躁肉瞤筋惕。十全大補湯。大渴面赤。脈洪而虛。當歸補血湯。身熱面赤。脈沉而微。四君子加姜附。

○胎不長養。胎之長養皆賴母之脾上輸氣於其子也。脾為一身之津梁。主周身之運化。在藏為土。長養萬物。莫不由此。故胎之生發。雖主腎肝。而長養實關乎脾。所以治胎氣不長。必用八珍十全歸脾補中之類。助其母氣。其胎自長。多有延至十二三月而產者。觀瘠薄之土。雖執不獲得沃澤澆溉。便能成實。義可見矣。亦有妊母氣血自旺。而胎不長者。此必父氣之孱弱。又當大劑保元專補其氣。

一方 治半產後戰慄

八物湯和黑糖

產後

○血暈 產後元氣虧損。惡露乘虛上攻。眼花頭暈。或心下滿悶。神昏口噤。或痰涎壅盛。者急用熱童便主之。若血下多而暈。或神昏煩亂者。芎歸湯加人參三五錢。澤蘭葉一握。童便半盞。兼補而散之。痰合二陳加烏梅姜汁。并用鐵秤鎚燒令赤以醋沃之。或燒漆器并亂髮以烟熏之。產後因虛火載血上行而暈。用鹿茸灰為細末。好酒童便灌下。一呷即醒。行血極快。產後昏暈嘔逆。不能飲食。此胃虛挾痰所致。以抵聖散去赤芍。加炮姜茯苓。慎不可用芎歸血茶臍膈。其嘔逆愈不能止矣。

生神散 治產後氣沉眩暈

蒲黃一錢 人參三分 甘草一分
 為末白湯下。獨參湯和炒熟蒲黃服之尤為便。

產後

婦十一

芎歸調血飲 治產後諸疾宜加減而用之

當歸 芍藥 川芎 熟地 白朮

茯苓 陳皮 香附 甘草

右入姜枣水煎。○初產臨服。加童便一鍾。好酒半鍾同服。是能行瘀血。退熱如神。○產後昏憤不語。加荆芥。○口苦咽乾。加麥冬。○看氣惱。加木香烏茶。○發熱不止。加乾姜。○生腸不止。加黃耆人參。○欬嗽。加五味子杏仁。○兩脇痛。加青皮肉桂。○吐痰。加半夏貝母。○嘔吐不止。加砂仁半夏去熟地。○盜汗自汗。加黃耆酸枣仁。○泄瀉不止。加黃耆乾姜炒。去熟地。○瘀血不行。心腹兒枕痛。加肉桂蒲黃五味子牡丹。去白朮。○去血過多。頭暈暗。加荆芥人參乾姜炒。○胸膈脹悶。加砂仁枳實山查厚朴。○惡露不行。加貝母牡丹皮。入童便和酒服。○小產後。心服痛。去白朮茯苓。加延胡牡丹桃仁紅花青皮澤蘭。○驚悸怔忡。加遠志麥冬酸枣仁。

二味參蘓飲 治胞衣不下

人參 蘓木 各五錢

水煎。入熱童便。

○嘔吐 惡露不行。二陳湯加丁香。不應。加人參炮姜。汎蘭藿香。寒者。理中湯加藿香。有因傷食者。香砂養胃湯。○面赤嘔逆欲死。曰衝肺。急用二味參蘓飲。

○呃逆 多因胃氣虛寒之極。最為惡候。理中湯。加丁香不應。急投參附。

○發喘。痰声大作。此痰犯肺金也。風則金匱旋覆湯。加甘桔。惡露未淨。加炮姜丹參。有食。加厚朴陳皮。不嗽而喘。此肺為火迫。乃真喘也。難治。若脉虛熱。生脉散為主。茶。肺胃氣虛。異功散。加桔梗。兼外邪。加細辛。中氣虛寒。前方加炮姜肉桂。陽氣虛脫。更加附子。腎虛不納氣歸。都炁丸。作湯。送靈砂丹。兼氣虛者。與異功散兼進。大抵產後發喘。加脉之虛大。急疾皆不可治。○薛氏曰。瘀血入肺。面黑發喘。用二味參蘓飲。

旋覆花湯

旋覆花 薑 葱 薑 新絳 生用尺許

水煎

奪命散

治產後敗血衝心。胸滿上喘。命在須臾。

產後

婦十二

血竭

沒茶各等分

酒童便各半。為湯送下。

○產後鼻衄。乃氣血逆行所致。紫蘘和氣。飲入童便。荆芥灰。如口鼻犯黑色。而衄者。胃氣虛敗。而血滯也。難治。二味參蘘飲。稍遲則不救。或用華萊石散。

○口中血溢出。暴吐血。嗽血。四物湯。加延胡。木香。炮姜。產久惡露已淨者。治與平人同。

○產後暴崩下血。大劑獨參湯。和熟蒲黃末。服之。

○兒枕痛。產後少腹痛。俗名兒枕痛。古法用失笑散。及四物湯。加莪朮。山查。崩中去血。赤白相兼。或如豆汁。千金伏龍肝湯。能溫脾胃。涼肝血。其功如神。若惡露既去。而仍痛。四神散調補之。少腹痛。當視去血多少。如敗血凝滯有塊而痛者。醋煎散。無塊者。四烏湯。須看人虛實酌用。

伏龍肝湯丸

炮黑查肉二兩

熬枯黑糖二兩

右二味。一半為丸。一半為末。用伏龍肝二兩。煎湯代水。煎末二錢。送前丸二錢。日三。夜二。服。一晝夜令盡。氣虛加人參二三錢。以駕馭之。虛熱。加炮姜。肉桂。茯苓。甘草。兼感風寒。加葱白。香豉。膈氣不舒。磨沉香汁數匙。調服。

四神散

治產後血虛。或瘀血腹痛。

四物湯。去地黃。加炮姜。溫酒調服。

○泄瀉其因有五。一者。因胎前泄利未止。產後尤甚。一者。因臨產過傷飲食。產後滑脫。

一者。因新產驟食肥腥。不能尅運。一者。新產煩渴。恣飲水穀。混亂。一者。新產失護。臍腹臟腑受冷。其致瀉之由。雖異。一皆中氣虛寒。傳化失職之患。並宜理中湯為主。食加枳實。山查。水加桂心。茯苓。虛加桂附。倍參。寒加桂附。倍姜。久瀉腎虛。加桂心。熟附。瘀血不行。加炮查。歸身。若見完穀不化。色白如糜。此脾胃大虛。元氣虛脫之候。十有九死。惟猛進溫補之劑。庶可挽回。即有煩躁發熱。面赤脈來數大。皆虛火上炎之故。當並進桂附人參甘姜木

苓之類。伏龍肝煮湯。代水煎服。仍得効。若小便視濁如泔。或大便中有白沫。如腸垢者。乃元氣下陷之故。並宜補中益氣。加桂苓炮姜。升舉之。或臭水不止。加蘄艾香附。吳茱萸。若兼痰結不通。腹脹喘急。神丹不能復圖。

○產後心痛。惡血上攻。心痛。為陰血虧損。隨火上衝心絡。名心胞絡痛。理中湯。加當歸。產後惡露未淨。胸腹作痛。或小便不利。琥珀地黃丸。溫之。產後心痛。大寒。嘔逆不食。千金蜀椒湯。產後心痛。嘔逆涎沫。大岩密湯。若真心痛。且發夕死。瘀血上衝。用失笑散一錢。童便調下。即定。血既散而仍痛。增損四物湯。調補之。

千金蜀椒湯 治產後心痛大寒。

蜀椒二合 芍藥 當歸 半夏 甘草
桂心 人參 茯苓各二 蜜一合 生姜一合
右十味。先煮蜀椒令沸。內諸藥去滓。入姜汁。蜜。禁勿冷食。

大巖蜜湯 治產後心痛。

乾地黃 當歸 獨活 甘草炙

芍藥 桂心 遠志 細心各二

吳茱半合 乾姜炮 蜜半盞

水煎去滓。內蜜。重煎。

○產後傷風。須問惡露淨否。而用藥。若未淨。而少腹疼痛者。以行血理氣為先。金匱旋覆花湯。四烏湯。撰用若惡露已淨。少腹不疼。但頭痛身熱。足冷自汗。欬嗽。黃耆建中湯。頭重香薷散。塵甚著風者。不可發散。逍遙散。去水。加桂枝得効。雖遲無失。

○產後傷寒。不可遽用小柴胡。蓋黃芩在內。停滯惡血也。宜小建中湯。增損柴胡湯。時疫柴胡四物湯。香薷散。伏氣發溫。葱白香豉湯。感冒氣食。香薷散。產後得熱病。四肢緩。而脈息和平者。生。四肢冷。而脈沉瀆。煩熱甚。而脈洪盛者。皆死證也。

○產後乳汁。自出不止。乃胃氣虛。宜服五味異功散。加黃耆五味子。以攝之。若乳多滿。急痛者。用溫帛熨之。

○新產兒。未能吮乳。乳汁畜結。與血氣相搏。而壯熱大渴。通乳脹硬。掣痛。名曰妬乳。當以

手搏去宿乳。或吮去尤妙。并以貝母、栝蒌實、甘草節和之。

○初產因子不育。蒸乳而發寒熱。用斷乳法。以四烏湯。加炒麥芽一兩即止。不然恐內結成癰。

○吹乳腫痛。速用栝蒌實一枚。連穰搗爛。甘草節一寸。乳香一錢。煎成。加溫酒服。服後側臥於床。令茶氣行。外以天南星末。醋調敷。以手揉之自散。

○乳風腫痛。宜敗毒散。乳子用後方。

栝蒌根 茯苓 栝蒌大 木通中

枳實 藿香小 甘草

水煎

一方 治婦人盛。乳汁不通者。

桔梗 薤麥 花粉 柴胡各一

通草七分 青皮 白芷 木通

赤芍 連翹 甘草 各五分

水煎服。更摩乳房。

一方 治婦人虛。乳汁不通者。

木通 花粉 當歸 川芎

生地 白芍 王不留行 各等分

水煎。先將葱湯洗乳房。

一方 治乳汁不通作痛者

花粉 甘草 王不留行 各三

當歸 穿山甲 醋炒各

水煎

當歸補血湯 產後無乳者。主之

當歸 黃耆

葱白。水煎服。

膠艾湯 婦人有漏下者。有半產後因續下血。都不絕者。有娠。娠下血者。假令娠。娠腹中痛。為胞阻。此湯主之。

內補當歸建中湯 治產後虛羸不足。腹中刺痛不止。吸々少氣。或苦少腹中急。摩痛引腰背。不能食飲。產後一月日得服四五劑。為善令人強壯。宜此湯

四物湯用乾地黃。加阿膠、甘草、艾。清酒和水。各半煎服。乾姜一方多。千金無地黃芍藥。

桂枝湯。桂枝易肉桂。加當歸二錢。膠飴六錢

產後

婦十五

枳實芍藥散

治產後腹痛煩滿不得卧

枳實燒令黑勿太過芍藥等分

右二味并為散服方寸匕日三服并主癰膿以麥粥下之

方中枳實燒黑全是散逐瘀積故癰膿亦能主之

知母湯

治產後乍寒乍熱手足身温心胸煩滿

知母各五芍藥各五黃芩各五桂心各五甘草各二

右五味水煎分三服

狼牙湯

治婦人陰中生瘡蝕爛

狼毒牙一兩

右一味水煎取汁半盞以綿纏箸頭如繭浸湯瀝陰中日三四遍

牛膝湯

治兒產胞衣不下

牛膝各兩瞿麥各兩當歸各兩

通草各兩半滑石二兩葵子半升

右六味水煎分三服一方無滑石有桂心一兩

婦人科畢

小兒科

三河 滕烏巢 輯錄

平安 滕主篤 校正

脈法 小兒三歲已內看虎口食指寅卯辰三關以驗其病脈紋從寅關起不至卯關者易已若連卯關者難愈若寅侵卯卯侵過辰者最劇其脈紋見五色如因驚必青熱則赤風熱瀉利色紫當以類推之又紋色頭而有榮紆者為有胃氣易治紋色細淡而直如刀刃者乃正氣之虛難治紋上另有一點如流珠者為宿食紋傍另有一條如絲縷者為風痰紋斜向內者易已斜向指甲者難愈三歲後則以一指轉側辨其脈五六歲後脈六七至為平脈浮為風浮大而數為風熱沉細為寒沉瀟為傷食伏結為物聚微細為疳積為腹痛浮而洪為有熱浮而遲為有寒弦急為氣不和促結為虛驚脈亂不治

初生

夫小兒初生如水之漚以峻不可攻古謂初

初生驚風

小兒一

離母體口有液毒。啼聲未出。急用軟綿裹指拭去。口中濁穢。此固良法。次可用黃連甘草二味。甘草調中。黃連能去心竅惡血。故也。

加減紅花散 治初生胎毒搐搦。或肌膚赤色。血毒小瘡。吐乳。或小便黃。大便不通。謂之血疽。因母受濕熱。或衣被大煖所致。

紅花

沉香各二分

藿香

木香各一分半

升麻

枳殼

丁香各一分

大黃

訶金

積雪草各三分 檳榔二分

右十一味。熱湯漬之。絞去滓。分溫服。○一方。無枳殼。有連翹。青木香。桔梗。甘草。共十四味。或加人中黃。治遺毒久瘡。○一方。無枳殼。鬱金。木香。有陳皮。青皮。連翹。青木香。甘草。共十三味。○胎毒在上部。方中大黃酒蒸用。在皮層中難發。加牛房子。裏熱甚。加黃連。欬嗽目眩。加荆芥防風。

驚風

加味

敗毒散 治驚證。因時氣感冒發者。即人參敗毒散。加天麻地骨全蝎僵蚕白

附子。

急驚

錢氏云。小兒急驚。因聞大聲。或驚而發搐。搐止如故。此熱生於心。身熱面赤。引飲。口中氣熱。二便黃赤。甚則發搐。蓋熱盛生風。陽盛而陰虛也。經曰。熱則生風。風則痰動。痰熱客於心膈間。風火相搏。故抽搐發動。當用抱龍丸。瀉青丸。除其痰熱。

瀉

肝散 治肝經火旺。目睛頻動。痰氣上衝。或壯熱搐搦。面色紅赤。脈有力。脾胃無傷。宜瀉肝火。

川芎

茯苓

芍藥各八分

當歸

莖胡

陳皮

枳殼

天麻各六分

甘草

黃連酒各四分

薄荷三分

右入生姜一片水煎。

寬

氣飲 治小兒風痰壅滿。傷於氣。不能言語。

枳殼

人參

天麻

羌活

僵蚕各三分

甘草減半

右姜煎。○驚證口眼拘攣。手足搐搦。甚者。用

之屢効。

七味湯 治自初生至三歲驚證。

黃連 甘草生各 黃芩 青皮

肉桂 桔梗 遠志各中

右水煎。○一方無青皮遠志。有陳皮白朮。○一方黃連黃芩二分半。陳皮白朮遠志二分。肉桂七厘。甘草五厘。○又此方中無黃芩。有黃礬。已上四方選用。

○凡急驚風其所因多矣。或因外邪。或因胎熱。或因停食。或因乳母食滯。或因乳母有病。吃其乳。發者。治法各求其本。而可施治也。然因胎毒。發者亦多。此初生時。食母穢物。畜積在左脇。隨時發。宜用擺菜。三方見凡滯食。乳滯。在右脇。又有痰積。大概痞中脘上脘之間。治法可用香砂平胃散。香砂二陳湯。又癩證。驚搐者。清心抑膽湯。大抵驚。肝木尅脾土。而內外發於熱也。其熱表發。或裏下。而醒矣。

慢驚

醒脾散 治吐瀉不止。作慢驚風。脾困沉默。々

不食。

四君子湯。加木香全蝎。僵蚕。天麻。白附子。姜。棗煎。○一方去天麻。僵蚕。加南星。半夏。陳皮。○一方加陳皮。南星。丁子。山茶。蓮肉。石菖蒲。肉豆蔻。砂仁。名大醒脾散。治內虛。昏迷不醒。

鈎藤飲 治脾虛傷風。身熱足冷。欲成慢驚。

鈎藤鈎 蟬蛻 防風 人參

麻黃 白殭蚕炒 天麻 蠍尾去毒各五分

川芎 甘草炙各三分 麝香一分另研

水煎。溫分二三服。

七味白朮散。加細辛。天麻各一分。全蝎三箇。白附子麩裹八分

治慢驚。已作者。通用之劑也。

異方銀白散 治或吐。或瀉。見睛驚跳者。

蓮肉 白扁 茯苓各一分 人參

天麻 白附 全蝎 木香

藿香各五分 陳米炒三分 甘草一分

右姜煎。此方治慢驚通用也。

六君子湯 驚風屢用。祛風化痰。瀉火辛散劑。

不愈。則為脾虛血損。而可治。急用此湯。補脾。

胃不然。則慢驚變。慢驚風口中氣冷。眠見睛。此湯加姜桂。全蝎。若夾熱。夾食。夾痰。與外感證相似。詳其因治之。慢驚脾土虛寒。此湯加烏頭蝎尾。泄瀉加炮姜木香。不應則急加附子。發搐此湯加鈞藤鈞。健脾氣平肝木。或保元湯加芍藥。

○凡慢驚之證。病後或吐瀉。或茶餌因傷損脾胃。肢體逆冷。口鼻氣微。手足痠痠。昏睡見睛。此脾肺虛。而肝木亢病也。故伐肝茶品。可輕之。專以補脾肺。須為重諸病誤茶後。此證作則壞病也。慢。妄也。壞也。自初。非有慢驚證也。

癩

驚風三發。則為癩。云。陽癩。身熱抽掣。啼叫。仰臥。面光脉浮。○陰癩。身冷不掣。不啼。伏臥。面黯。脉沉。

清心抑膽湯 見前 治陽癩兼用丸茶。

丸藥方 諸癩通用。

荆芥 白礬 各等分

右糊丸。以大辰砂為衣。○或用熊膽一味。六君子湯。加木香柴胡。治陰癩。兼用奇方丸散。或茶餌。

○凡癩證。多主痰。實者。二陳湯。或六味溫膽湯。加黃連。姜。山梔等。通用之。○此證用單味熊膽。可試之。卒忽定者。皆癩發也。右用六君。二陳。溫膽等。加味之。以小劑。得效者多。

癖疾

香橘餅子 治乳癖。食積。

厚朴 七分 砂仁 神曲 麥芽 各五分

三稜 三分 木香 陳皮 青皮 各二分

右水煎。痞右章門邊者。乳癖。食積也。

二陳湯 治因積生熱。生痰者。本方。加升麻葛根芍藥人參五味子。姜煎。此積腹中居處不定。

一方 治癖積。因胎毒。發者通用。

紅花 鬱金 青皮 香附

陳皮 義木 積雪草 各等分

右七味。熱湯浸之。去渣溫服。○又一方

蛭虫瘕疾

小兒四

山璽 紅花 青黛 右三味同上。

又一方。前方去青黛加鬱金。右撰用。

信弘湯 不問瘕疾或瘕虫。通用屢效。

和白木 茯苓 莪木 檳榔

使君子 鬱金 紅花

右七味。熱湯浸之。去渣。分溫服。

○凡癖疾。虫積。血積。痰積。食積之五也。虫積世多妙方。桑山。保童圓。磨積圖。熊膽丸之類。隨證可用之。癖疾食積等。日久。則皆脾胃虛。而生變証。以五味異功散。錢氏白朮散。參苓白朮散。六君子湯。可兼用之。

蛭虫

蛭虫證。或吐或下。又令腹痛。或冬月吐乳之兒。此證多。

錢氏白朮散。加丁香三粒。此加味通用也。

理中安蛭湯 治前證。胃寒甚者。即理中湯

加丁子川椒烏梅或加縮砂肉桂。可隨時宜。或加附子。

○蛭虫證。有發熱者。七味清脾湯。或人參養

胃湯。腹痛甚者。椒梅湯。或烏梅丸。可選用。

瘕疾

蟾蜍丸 治無辜瘕

蟾蜍 大者數枚

以番蛆三約。置桶中。以尿浸之。將蟾活搗爛。與蛆食之。一晝夜。用布袋盛蛆。置急流水中。漂淨。取出。瓦上焙乾。入麝少許。陳米飯丸。麻子大。每服二三十丸。米湯或砂糖湯服之。一服虛熱退。二服煩渴止。三服瀉利愈。或用陳米炒為粉。入糖霜作餅服之亦可。

如聖丸 治熱疳善食腹大

史君子肉 二兩 胡黃連 川黃連

白蕪荑仁 炒各一兩 乾蟾 五枚 麝香 五分

右為末。蜜丸。彈子大。每服一丸。人參湯化下。

木香丸 治冷疳泄瀉少食

木香 肉豆蔻 砂仁 炒各三錢

麝香 一錢 續隨子 去油三錢 乾蟾 三枚 燒存性

為末。蜜丸。菉豆大。每服五九十五丸。薄荷湯送下。虛者去續隨子。加姜桂參朮。

消疳丸 疳疾 小兒五 治五疳。皮黃肌瘦。髮直。尿白。肚大。青筋。好食泥炭茶米之物。或吐。或瀉。腹內積塊。諸虫作痛。

蒼朮 陳皮 厚朴 枳殼 檳榔
神麴 山楂 麥芽 三稜 莪朮
砂仁 茯苓 黃連 蘆薈 胡黃連
蕪荑仁 使君子

右為末。使君子穀煎湯。泡蒸餅為丸。如彈子大。每服一丸。清米湯化下。或以小劑。為擺茶。是攻擊劑也。虛弱者。可斟酌之。

春泰飲 經驗消疳。治疳証。或面黃。肌瘦。肚大。青筋。頭大項細。

白朮 和炒 茯苓 猪苓 莪朮 黃栢 半黑炒
花粉 山梔 炒各 黃連 生 檳榔 甘草 各小

右十味。熱湯浸之。去滓分溫服。
○疳病害眼者。用蕪荑仁青箱子細末各一錢。不經水。驢雞肝一具。研爛入白酒釀飯上蒸熟食之。不過五七服必愈。

明目湯 疳眼奇方
防風 香附 白芷 猪苓

澤瀉 車前 酒制 荊芥 中 菊花
金銀花 桔梗 甘草 各小

右十一味水煎。○以此湯餌鰻魚。小者以車。俱為霜。數鰻魚。燒之。日兩度用之。

生地黄湯 治疳眼閉合而不開
川芎 赤茯苓 枳殼 杏仁
黃連 半夏 天麻 地骨 各二
生地 熟地 各五 甘草 一錢

右入生姜。黑豆十五粒。水煎。
○疳在內。目腫腹脹。臍突。瀉稠瀉利。青白。體漸瘦弱。疳在外。鼻下赤爛。頰揉鼻耳。或肢體生瘡。鼻瘡。蘭香散。諸瘡。白粉散。選用。

蘆薈消疳飲 治走馬牙疳。身熱氣急。牙齦腐爛。氣味為臭。以穿腮。及破唇者。

蘆薈 銀柴胡 胡黃連 玄參
牛房子 黃連 桔梗 山梔
羚羊角 石膏 薄荷 各五 升麻

甘草 各三 淡竹葉 十片
右水煎

參朮肥兒丸 消疳化積。磨癖。清熱。伐肝。補脾。

感冒

小兒六

進食殺虫潤肌膚養元氣

人參

神麩

山查

麥芽

黃連各三

白朮

茯苓

甘草各三

胡黃連各半

使君子四

芦薈二

右陳倉米糊丸。菘豆大。每服二十粒。米湯下。

此治癖塊發熱。王道之劑也。久服除病根。或兼餅赤蛙。或雞膽。或赤大肝。隨証宜用之。

五疳保童圓

使君子一兩

常山虫霜五

赤蛙霜五

海人草霜二

海鼠選赤物

右糊丸。如椒目。每服十五六丸。量兒大小。日再三服。

加減保童圓

莪木

青皮各三

熊膽龍膽

三稜各二

乾漆

丁子

木香

肉蔻

人參各一

使君子四

右細末糊丸。加粟粒大。每服五九。或十九。日再三服。○一方有熱者。去丁子肉蔻。加黃連

合歡實二錢。

五疳散 脾胃虛冷。泄瀉腹痛不食。

白朮 人參各二 茯苓一 砂仁

肉豆蔻各七 乾姜五分 甘草火

右細末。熱湯浸。和橙服。作煎湯亦佳。○大虛泄瀉不止。加附子少許。○感風寒。加肉桂。○若腸胃有虫。加使君子少許。○若晡時發熱。加黃耆肉桂。倍人參。不可用柴芩梔之類。

感冒

小兒傷風。鼻塞發熱。或痰壅發搐。多因乳母鼻吹顛門。但服惺惺散。或用葱頭七莖。生姜一片。細切。搗爛。攤紙上。置掌中。令待溫。貼於顛門。其邪即解。乃去其葱。却用絹緞寸餘。塗以麪糊。仍貼顛門。永無傷風之患。其餘用茶發散。與大人不異。但脾胃怯弱。所以多手足寒冷之證。故治法以照顧脾胃為主。

惺惺散

治外感風寒。鼻塞痰嗽發熱。

四君子。加桔梗。天花粉。細辛。薄荷。生姜。

一方

治感寒有汗。

八解散。加羌活。川芎。荆芥。白芷。姜煎。

一方

治感寒無汗。

紫蘇 桔梗 人參 羌活

時疫變蒸

小兒七

川芎

枳殼

茯苓

前胡

獨活

陳皮

甘草各等分

右姜煎

時疫并諸熱

聖惠解肌湯

治時氣壯熱。頭疼。欬嗽。不食。

麻黃

杏仁

赤芍

貝母

柴胡

葛根

甘草各半

石膏二兩

右水煎

葛根散

治時氣煩渴。腹中痞實。

葛根

黃芩

柴胡各半

甘草一分

大黃一分

右煎

羚羊角散

治夜啼。及多驚熱。心經有熱。而驚啼者用之。

羚羊角

黃芩

犀角

茯神各一分

麥門

甘草少

水煎

安神丸

治心經虛熱。睡中驚悸。夜啼。

人參

棗仁

茯神

半夏製各一分

當歸

橘紅

芍藥各一分

五味子七粒

甘草一分

冬三

為末。姜汁和丸。芡實大。每服一九。薄荷湯下。

導赤散

治小兒小腸實熱。小便秘赤。

生地黃

木通

甘草各等分

右入竹葉水煎服。○本方加人參。麥門。竹葉。燈心。名加味道導赤散。治小便黃赤。口乾煩渴者。○小兒諸熱。以意可用之。多効。

變蒸

小兒變蒸。變者變其情智。蒸者蒸其血脈。大抵三十二日為一變。每經變畢。則情智異常。全嬰方論云。變蒸者。以長氣血也。變者上氣蒸者發熱。輕則體熱。虛驚。耳冷。翕冷。微汗。唇生白泡。三日可愈。重者寒熱。腹亂。腹疼。啼叫。不能乳食。食即吐。五七日方愈。變蒸之時。不欲驚動。當其時有熱。微驚。慎不可治。及灸刺。但執視之。若良久不已。少與紫丸。微下。熱歇便止。若於變蒸之中。加以時行溫病。或非變蒸。而得時行病者。其證皆相似。惟耳及尻通熱。口上無白泡。當先服黑散。以發其汗。汗出。溫粉粉之。熱歇便瘥。若猶不除。乃與紫丸。微下之。小兒稟虛之所不免。勿疑可也。嘗見小兒變蒸。發熱有痰。投以抱龍丸。卒至不救。若

胎熱胎黃 小兒八
不熱不蒸。畧無證候而暗變者。稟氣壯實故也。

聖惠柴胡散 治變蒸經日不止。挾熱心煩啼呼。骨熱面黃。

柴胡 甘草灸 人參

玄參灸一兩 龍膽半兩酒炒黑 麥門半兩

右水煎。一方無玄參。有防風。

平和飲子 變蒸三日進一服。

四君子。去白朮。加升麻。水煎。或不換金。藿香正氣散等。亦佳。

當歸散 治變蒸有寒。而無熱者。

當歸灸 木香 肉桂 甘草灸 人參各一

右姜枣水煎。

調氣散 治變蒸吐瀉。而不飲乳。多啼。欲發慢驚者。

人參 木香 香附

陳皮 藿香 甘草灸

右姜枣水煎。

惺芎散 治變蒸發熱。或咳嗽。痰涎。鼻塞。聲重。

白朮 茯苓 人參 甘草

桔梗 細辛 川芎各等分

右水煎。去川芎。加天花粉。薄荷生薑。則惺芎散也。

胎熱

胎熱。母孕時。因過食干熱毒物。而兒生下。身熱面赤。眼閉。口中氣熱。焦啼。燥渴。或令大小便不通。

釀乳方

生地黄二兩 沢瀉一兩 猪苓 赤茯苓

天花粉各二 茵陳 甘草各一

右水煎。而令乳母。絞去宿乳。服此湯。須臾而令兒吃乳。

一方 治小兒胎熱症

甘草一兩 黑豆二兩 竹葉五片

右燈草水煎。頻々進子母。可俱服。

胎黃

胎黃。皆母因受熱傳胎。兒生下。而遍體面目。皆黃。而狀如金色。身上壯熱。大便不通。小便如梔子汁。不思乳食。啼哭不止。後方主之。

地黃湯

治胎黃。

胎驚痰效腹痛

小兒九

生地

赤芍

川芎

當歸

天花粉

猪苓

沢瀉

赤茯苓

茵陳

甘草各等分

右水煎。食前乳母服。并略滴些少。與兒口中。

胎驚

胎驚。胎婦調適。因常乖。而飲食嗜慾。忿怒驚。撲有所母觸。則胎必感之。或外披風邪。有傷胎。故子乘母氣。而生下。即病也。其眉間氣。色紅。赤鮮碧者可治。若黧而青黑者。不治。虎口指紋曲入裏者。可治。反出外者。不治。

青金丸。

人參

天麻

白附

膽星各二

茯神二

青黛一

甘草各一

朱砂半

麝香一字

右細末。煉蜜丸。釣藤。皂莢子煎湯。下之。

鎮驚散

治胎驚。

朱砂

牛黃少許

右取猪乳汁。調篩抹。而入口中。加麝香少許。尤効。

痰效

加味二陳湯

依本方。加細辛。木香。枳殼。杏仁。

瓜蒌枳實湯

熱燥。痰火。喘急。

瀉白散。清肺湯之類。與大人門。可參考。

一方。小兒身熱。感冒。鼻流清涕。或鼻塞。咳嗽。吐痰。輕者不茶。候一二日。而自愈。重者用此方。治痰為主。輕々和解之。

白朮一

茯苓七分

桑白皮蜜炙七分

川芎

橘紅

桔梗

半夏各五分

防風

薄荷

黃芩

甘草各三分

右姜煎。一劑分十貼。以水一盞。煎七分。

參花散

治咳嗽。發熱。氣喘。吐紅。

人參

天花粉各等分

右為末。每服五分。以蜜水。調下。

腹痛

小兒腹痛。體瘦。面色晄白。目無精光。手足指寒。口中氣冷。不思飲食。或嘔利撮口。此脾土虛。而寒水所侮也。益黃散。或理中丸。去參加。

茯苓。口中氣溫。手足心熱。面色黃白。目無精光。或多睡惡食。或大便酸臭。此積痛也。消積丸。甚者白餅子下之。後以白朮散調補脾胃。○腹脹而悶。亂喘滿者。白餅子。○不悶。亂喘滿者。脾虛也。白朮散調補之。○下而致目胞。腮面四肢浮腫。肚腹愈脹。脾虛欲發驚癇者。塌氣丸溫理之。○腹中有癖。不食。飲乳則吐。按之則啼。當暫用白餅子下之。○小兒病此。良由乳食不消。伏於腹中。乍冷乍熱。飲水過多。脾胃虛弱。不能傳化水穀。以致四肢羸瘦。肚腹漸大。而成疳矣。六君子加乾薑。○痛連兩脇。肝木乘脾也。四君子加柴胡芍藥。○腹痛重墜。脾氣下陷也。補中益氣湯加枳實。○手足指冷。或呃逆泄瀉。寒水侮土也。六君子加炮姜肉桂。不應急加附子。○服剋劑之蒸。致腹作痛。按之痛止者。脾氣復傷也。五味異功散。○腹脹喘滿。亦皆脾虛邪乘所致。東垣所謂寒脹多而熱脹少。熱者六君子加芩連枳朴。寒者六君子加姜桂吳茱萸。亦有寒熱錯雜者。瀉心湯。芩連炮姜並用。○治實

脹。用二陳加枳朴木香。有熱加芩連可也。

藿香湯 治小兒腹痛

藿香^大 白朮 茯苓 陳皮^各 甘草^小

右水煎。○傷食加砂仁神麴山查。○手足冷加乾姜肉桂。○不食加麥芽砂仁白豆蔻。○感冒加藜蘆葛根。○咳嗽加桔梗杏仁桑白皮。○大便不通加大黃桃仁厚朴。○小便不通加豬苓沃瀉。○赤痢加芍藥阿膠黃芩黃連。○白痢加乾姜肉桂。○後重加木香枳榔。○腹痛甚加青皮莪朮枳榔。○泄瀉加厚朴芍藥肉豆蔻。○急驚加柴胡牡丹大黃。○慢驚吐瀉加肉豆蔻黃耆天麻。○夜啼加黃連麥門

泄瀉

凡泄瀉。大人用胃苓湯證。不換金合四苓散。若胃寒加乾姜。或肉桂。或木香。若有熱者加姜炒黃連。或錢氏白朮散。加豬苓沃瀉。此大概之治法也。若寒月虛寒甚者。理中湯。或附子理中湯加減。隨症可用之。

小兒脾胃俱傷。則嘔泄並作。傷辛熱停滯。則嘔吐出酸穢。或黃色乳。或腹痛下利者。瀉黃散保和丸選用。胃虛食不化而發熱者。六君子加黃連吳茱萸木香。○停滯已去。泄瀉不已。理中湯去參。加茯苓枳香。胃氣不能化食。益黃散。○傷生冷腹痛。瀉利青白。六君子加砂仁木香炮姜。○傷魚肉等物。六君子加山查砂仁。○瀉紅黃赤黑。腸胃俱熱也。養胃湯加木香黃連。○夏秋傷熱。吐瀉色黃者。玉露散。○夏秋霍亂吐瀉。手足心熱。口乾唇燥。喜飲冷水者。五苓散。○霍亂吐瀉。手足逆冷。喜飲熱湯者。理中湯。○瀉利青白。乳食不化。額上微汗。脈沉遲。而或噦逆者。由胃氣虛甚。過服剋伐。使清氣不升。濁氣不降。以致氣不宣通而作也。○瀉而噯臭吞酸。胸腹滿痛。按之益甚者。雖作瀉而所傷之物未消也。保和丸消導之。腹痛按之不哭者。乳食已消也。異功散加木香。驚瀉者。肝主驚。木盛必傳於脾。脾土既衰。則乳食不化。水道不調。故泄瀉色青。或兼發搐也。亦有因乳母脾虛受驚。及怒

動肝火。致兒吐瀉色青。異功六君加柴胡鉤藤。○蝦梢之屬。實脾以寧肝膽之氣。慎勿用峻攻之藥。脾氣益虛。肝邪彌甚。甚至抽搐反張也。○母食厚味而乳熱者。清胃散。○母飲燒酒而乳熱。或子母身赤。或昏憤吐瀉。丹方用錫掇盛滾水。蓋良久。取蓋上蒸氣水。服之即解。同氣相求之義也。吐痰涎及綠水者。胃虛受冷也。吳茱萸湯。

加味五苓散 治濕瀉。濕瀉者。瀉水多。而腹不痛。腹響雷鳴。脈細是也。

依本方。加山茶砂仁陳皮蒼朮訶子肉豆蔻甘草。姜煎。

和痞散 治脾癖泄瀉。

沉香 枳榔 肉蔻 人參 使君子
胡連 甘草 木香 薑陸 鼈甲
右入粟米。水煎。或作丸。甚效。

痢

手足指熱。飲冷者。為實熱。香連丸。手足指冷。飲熱者。為虛寒。理苓湯。若兼體重肢痛溼熱。傷脾也。升陽益胃湯。小便不利。陰陽不分也。

五苓散。○溼熱退而久痢不愈者。脾氣下陷也。補中益氣湯倍升柴。瀉利兼嘔。○腹中作痛者。脾胃虛寒也。異功散加炮姜木香。○變而為瘧者。六君子加升柴。○積滯已去。利仍不止者。脾氣虛也。四君子加肉果。有寒加吳茱萸炮姜。有熱加炒黑宣連。丸服尤妙。

加味異功散 治痢病十日二十日同事。食少氣力弱者。

人參 白朮 茯苓 當歸 芍藥
陳皮 山萸 各一分 砂仁 七分 甘草 少
右姜棗煎。

白朮和中湯 下痢不拘新久。或用芍藥湯之類。下後未愈者。用之和。

當歸 白芍 白朮 各六分 茯苓 陳皮
黃芩 各一分 甘草 各一分 黃連 紅者 木香 各以
右水煎。

加味四君子湯 治脾胃泄瀉。痢疾屬氣虛者。

人參 白朮 茯苓 黃耆
砂仁 各一分 山萸 二分 甘草 五分
右棗肉水煎。○若腹痛。加炒黑乾姜木香。烏

梅。

參苓白朮散 治虛弱人。禁口痢。飲食不下。木方 加石蓮肉。石菖蒲。各一两。或後重加木香。

附子理中湯。加肉桂茯苓之方。治小兒痢疾。總司也。初起以此湯。試寒熱虛實。治之。則萬無一失矣。此萬世不朽之方也。

瘧疾

小兒瘧疾。不越風食乳癖。食積痰積。挾驚挾暑。與脾虛胃弱之不同。蓋風則多寒。食則多熱。乳癖則泄瀉多哭。痰積則嘔吐喘鳴。食積則腹脹下血。挾驚則發搐指冷。挾暑則昏睡壯熱。脾虛則倦怠肢冷。胃虛則多渴以食。治法不離疎風消導豁痰。如小柴胡隨證加減。多寒則加羌活桂枝。多熱則加橘皮枳實。泄瀉則加厚朴神麩。嘔吐則加橘皮枳實。下血則加枳實黃連。發搐則加鈎藤羌活。昏睡則加茯苓沢瀉。脾虛則補中益氣加桂枝。胃虛

嘔吐

小兒十三

則六君子加草菓。夜發則加當歸。日晏則加升麻。若痢後瘧。瘧後痢。與夫三日瘧。及久瘧不止。俱補中益氣為主。瘧母以小柴胡加鼈甲桃仁丸服。大抵小兒肌腠疎薄。無汗者絕少。即使無汗。稍加桂枝。有汗并加芍藥。不必用知母石膏紫蘇。卷活輩也。至於勞瘧瘴瘧之類。小兒本無。不復贅及。其有因乳母七情六淫所致者。又當以小柴胡道遙散之類。兼治乳母為當。

七味清脾湯 治食瘧。嘔吐痰沫。及時行瘴瘧。不問先寒後熱。諸瘧通用。小便赤。加豬苓澤瀉。方見大人門。

嘔吐

清胃保中湯 治熱吐。

藿香

白朮

黃芩

梔子

黃連上炒各一錢

甘草二分

枇杷葉一錢

右入生姜三片。水煎。

一方 治虛寒。蚘蟲上衝。必吐乳食。

七味白朮散。加丁子砂仁烏梅川椒乾姜

肉桂

一方 吃乳後。或半時。或一時。而吐之者。熱吐也。見乳汁中。如交黃綠色者。此心脾熱也。

六味溫膽湯。加黃連炒山梔青皮

六君子湯。加姜炒黃連。治脾胃虛。熱吐。夾痰者。

○傳云。初生三五十日中。乳味多。則吐矣。然有胎毒者。宜用擺蒸。見瘧疾門。或兼虫積。或兼痰熱者。可兼用熊膽許少。又外邪表熱甚。則吐乳多。是表熱以甚也。若欲止吐。則反害多。可用藿香正氣散。吐自止矣。

咬牙

小兒寤寐不時咬牙及嚙乳者。雖多屬驚。然所致各有不同。惟嚙乳驚搐者。抱龍丸。若發熱飲水。叫哭而搐者。心經實熱也。瀉心湯。睡困驚悸。合目而卧者。心經虛熱也。導赤散。面青目劄。呵欠項強煩悶者。肝經實熱也。柴胡清肝散。手循衣領及亂捻物者。肝經虛熱也。發搐目青面赤。肝經風熱也。並宜六味丸。

失音

舌者。音聲之機也。喉者音聲之關也。小兒卒然無音者。乃寒氣客於會厭。則厭不能發。發不能下。閉闔不致。故無音也。○咽喉聲音如故而舌不能轉運言語。則為舌瘡。此乃風冷之邪。客於脾絡。或中舌下廉泉穴所致。○舌本不能轉運言語。而喉中聲嘶者。則為喉瘖。此亦風痰阻塞。使氣道不通。故聲不得發。而喉無音也。大抵此證。多有稟賦不足。不能言者。有乳母五志之火遺兒。熏閉清道。不能言者。有驚風中風不能言者。○遺熱與津液耗者。七味白朮散。清氣不升者。補中益氣湯。稟賦不足。與虛火傷肺者。地黃丸。○仰首欬嗽。肢體羸瘦。目白睛多。或兼解顛呵欠咬牙等證。悉屬腎虛。非地黃丸加鹿茸遠志。不能治也。○吐瀉後。或大病後。雖有聲而不能言。又能嚙物者。非失音。乃胃氣不能上升。地黃丸與補中益氣湯兼服。

腹滿

香砂和中湯

除濕湯。加宿砂枳實青皮神麴山查。

消脹散 治小兒腹脹。

蘇梗

蘿蔔子

乾葛

陳皮

枳殼各等分

甘草少許

右水煎。○食少者加白朮。○腹脹實。則悶亂喘滿。可下之。其不喘者虛也。不可下。若誤下。則致脾虛。

龜胸背

龜背者。由兒生下。風客於脊。入於骨髓。小續命去附加防風。龜胸者。因肺受溼熱。攻於胸膈。龜胸丸。並用龜尿。點其骨節。多有得愈者。蓋小兒腠理不密。風邪乘之。或痰飲蘊熱於肺。風熱交攻而致。或坐發風入骨髓。治用上法。若稟受肝腎虛熱。六味丸。腎氣不足。八味丸。背加鹿茸。胸加龜甲。治之貴早。遲則不驗。

水腫 便疾 脫肛

小兒十五

水腫

加味除濕湯

依本方。加白芷大腹皮木瓜澤瀉

加味六君子湯

白朮各錢人參 黃耆各錢 茯苓二錢 陳皮

半夏 芍藥各錢 腹皮 木通各半 甘草少許

右入姜棗煎服。小便不利。間入五苓散。

小便閉

通心飲 治尿赤大熱往來。

木通 連翹 瞿麥 山梔

黃芩 麥門 燈心

右水煎

葱白湯 治初生不尿

葱白切作四散 乳汁半小盞

右同煎。片時。分作四次服。即通。不飲乳者。服之即飲。

遺尿

膀胱者。州都之官。津液藏焉。則則陽氣內收。腎與膀胱之氣虛寒不能約制。故睡中遺尿。一味補骨脂酒炒為散。醇酒或益智仁煎湯送下。脾肺氣虛者。補中益氣加補骨脂山茱萸。

大便秘利

小兒大便不通。肺與大腸有熱也。清涼飲。飲食夾驚。及積滯不通者。瀉青丸。此皆治實熱例也。○因乳母膏粱積熱。及六淫七情鬱火傳兒為患者。清胃散加蜂蜜。清邪解鬱。若兒稟賦怯弱。五心煩熱。作渴引飲。而大便難者。六味丸加二冬滋補肺腎。若用大黃麻仁輩。是速其咎也。

脫肛

實熱則大便秘結。虛寒則肛門脫出。因吐瀉脾虛。肺無所養。故大腸氣虛下脫也。補中益氣為主。若脫出緋赤。或作痛者。血虛有熱也。本方加丹皮芍藥。甚則加川連。外用槐角煎。

湯熏洗。○色淡不腫不痛。無血此屬氣虛。只用補中益氣以升舉之。或加烏梅以收斂之。大凡手足指熱。屬胃熱。手足指寒屬胃寒。○小兒肛癢或嗜甘肥。大腸溼熱壅滯。或溼毒生蟲而齧蝕肛門者。內服肥兒丸。外以雄黃銅錄為散納肛門。○因病不食。蟲無養而蝕肛者為狐惑。黃連犀角散。○蝕肛透內者不治。

眼

生地黄湯 治初生眼不開。

生地黄 赤芍 川芎

當歸 天花粉 甘草

右六味入燈心水煎。

九味湯 治風眼。

柴胡 荊芥 防風 白芷 葛根

升麻 香附 羌活 菊花

右水煎。○上眼包腫加紅花黃連芍藥。下包腫加白朮

雀目藥

五靈脂 人參 黃芩 大黃

天麻 羌活 桔梗 香附

川芎各五分 木香二分 甘草三分

右為丸。年數七日用。

口舌

升麻導赤散 治小兒舌上白胎。鵝口。

升麻湯。合導赤散煎服。外辰砂白礬搽之。

甘露飲 治牙疳去血。口臭。齒齲。腫痛腐爛。

枇杷 石斛 黃芩 枳殼 天門

麥門 生地 熟地 茵陳 甘草各等分

水煎服

白朮湯 治小兒滿口白爛生瘡。口糜。

五苓散合導赤散 水煎。

耳

梔子清肝散 治小兒風熱耳腫痛。出膿者。

柴胡 炒梔 牡丹各一兩 茯苓 川芎

芍藥 當歸 鼠粘子各七錢 甘草五錢

右水煎。

清腎湯 鼻下血汗病 小兒十七
小兒耳熱出汗為瘵乃瘵也腎火上
炎也。

防風

貝母

天花粉

黃柏炒

茯苓

玄參

白芷

天麻

蔓荊子

半夏各五分

甘草生二分

右生姜水煎。

鼻

立應散 治傷寒衄血不止。

蒲黃

葛根

石榴花

右為末。每一字。或半錢。生地黄汁調下。

一方 治鼻衄數日不止

生地黄汁

白蜜各小

蒲黃一兩

右和微煖服半盞。量兒分限。頻服。

茅花湯 治衄血

茅花大一把。水煎服。若無花。用根。

下血

衛生紫參散 療下血痛。

紫參

貫衆

石榴皮燒

臭椿根皮

各等分

導赤散 右細末一錢。米飲調服。○腹痛。艾湯調下。
方見時治尿血。欲加味。則依回香。清腸湯中。可加味。

汗

牡蠣湯 治盜汗

黃耆生

牡蠣

生地黄

各等分

右水煎

知母湯 治盜汗。屬夏月濕熱者。

麥冬

黃柏

生地黄

右水煎

團參湯 治心血虛熱。自汗盜汗。

人參

當歸各等分

右水煎。溫服。

疝

烏苓通氣散 方見前

一方 治小兒偏癩。或氣攻小腹痛。

蛇床子為末

馬鞭草取汁

右相和膏。塗痛處。

沉香降氣湯 方見前 治小兒疝。啼叫。氣逆。水道

丹毒 滯頤 黃痘 小兒十八
不行而致者。

桂枝湯 治小兒強啼不止。動陰器。結聚不散。
本方。加青皮蠟稍柴胡。

畢九腫大者。
本方。加細辛當歸木香蠟尾。

○傳云小兒偏墜証多。雖不速治。亦無害。或
臍突出等証同矣。古方治小兒偏墜。用防風
縮砂二味。予經驗。

丹毒

加味升麻湯 治丹毒壯熱。氣急驚搐等証。

升麻葛根湯。加柴胡黃芩梔子木通。

經驗外治方

地龍 生條

右頻々搗敷 地竜搗敷之。則如糸。

土黃散 治赤遊丹毒。

土硝 大黃各五分

右為末。調新汲水。以鷄翎蘸茶頻々塗掃。

大連翹飲 方見前

犀角消毒飲 治丹毒及痘後餘毒。

牛房子 荆芥 甘草 各五分

犀角 二分 金銀花 三分 防風 五分

右水煎。

滯頤

滯頤。乃涎流出。而潰頤間也。涎脾液也。脾胃
虛冷。故涎自流。不能收約也。法當以溫脾為
主。

溫脾丸 治脾胃虛冷。而流涎。

半夏 白朮 各一兩 木香 殭蚕

陳皮 青皮 各五分 丁香 二分

右細末。以姜汁打稀糊丸。米飲下。 此方冷涎
自流者。乃
胃虛不能收約也。
一名香半夏丸。

通心飲 方見小便閉 治滯頤。通心氣。分水穀。

退熱利尿。又治夜啼。○此方。熱涎稠粘者。主
之。胃火炎上也。或瀉黃散。加減之。

黃痘

初生及百日之中。半旬之內。不因病而身黃
者。胃熱胎黃也。腹大。食土。為脾疝。兼作渴冷

飲瀉黃散。小便不利。五苓散加茵陳。大便秘。茵陳蒿湯。病後發黃。肢體浮腫。白朮散。清便自調。肢冷嗜卧。益黃散。身淡黃白。理中丸。加茵陳。身熱。膈滿。肌膚面目皆黃。瀉黃散。加枳殼。生姜。若閉目壯熱。多哭不已。大小便赤澀。口中熱氣。乃妊母厚味遺毒也。母子並服清胃散。生料地黃丸。

茵陳湯 治身熱鼻乾。汗出二便赤澀。濕熱發黃。

茵陳六分

梔子

大黃二分

右水煎溫服。

解顛

小兒解顛。生下而顛門不合也。長必多愁少笑。目多白睛。面色晄白。肢體消瘦。皆腎虛也。宜地黃丸。○丹溪治解顛。以八物湯。有熱加酒炒黃連。生黃芩。甘草。水煎服。外用布帛緊束。及以白芨末敷。

人參地黃丸 治解顛

人參二分

熟地黃四分

鹿茸

山茱

茯苓

牡丹皮

山茱萸

酒蒸各三分

右為末。煉蜜丸。以參湯研化服。或白湯。隨時宜。

行遲 語遲 齒遲 髮遲

行遲。兒生至周歲三百六十日。膝成乃能行也。近世小兒。多因父母氣血虛弱。故胎氣不強。骨氣軟弱。故不能行也。

虎骨圓

虎脛骨

酒炙

生地黄

茯苓

肉桂

酸棗仁

酒浸去皮炒

防風

當歸

川芎

牛膝

唐酒浸各二錢

右為極細末。煉蜜圓。如黍米大。用木瓜煎湯。食前服。○此方徐々用之。效。難得速效。○語遲。言心聲也。小兒受胎。則其母卒有驚怖。邪氣乘心。故兒感受母氣。心官不守。舌本不通。四五歲長大。而不能言也。

菖蒲圓 治小兒語遲

人參

石菖蒲

麥冬

遠志

川芎

當歸各三錢

乳香

朱砂各一分

五軟 五硬 夜啼

小兒二十

右為極細末。煉白蜜圓如黍米大。用米飲。食遠服。○此藥平日可用之。難得速効。

○齒遲。稟受腎氣不足者。即髓不強。蓋骨之所絡。而為髓不足。故不能充於齒。不生也。

六味丸 徐々可用之。

芎黃散 小兒齒遲者。腎不足也。宜此方。

川芎 生地黃 山茶

當歸 白芍煨 甘草各等分

右細末。每服二錢。白湯調服。食後以此末塗牙齦。即生。

○髮遲。兒稟受血氣不足。不能榮於髮。故不生。

加味地黃丸 治行遲。髮遲。是血氣不充也。

熟地八分 茯苓 丹皮 沢瀉 牛膝

五加皮各二分 鹿茸酥炙 山茶 山茶各四分

右為末。煉蜜丸。每服一丸。空心塩湯送下。或作煎亦佳。

五軟 五硬

五軟。頭項手足身軟。名五軟。載氏云。五軟証。

名曰胎怯。良由父精不足。母血氣衰。而得。云治方。益氣湯。六味丸等。可選用。○五軟証。多有難治。或有為廢人者。

○五硬。仰頭。噴氣。手足心堅。口緊。肉硬。此陽氣不榮於四末。獨陽無陰之候。若腹筋青急者。木乘土位也。

六味丸 加麥冬五味。○五鞭証。脚手心之五心。如水冷硬。云云其餘証候。或胸膈痛等証。畢竟雖如有論。多難治也。温補劑等。亦最可撰用。

夜啼

六味散 治面青啼哭。口出氣冷。或泄瀉不乳。

人參 山茶 白朮

茯苓 白扁豆 甘草

右姜煎。或去參用。○家夜啼。加釣藤釣。

人參黃連散 治心經蘊熱。夜啼。

人參二分 黃連一分 炙甘五分 竹葉二十片

右生姜水煎

吃泥土

小兒吃泥土。乃脾胃熱所致也。面色青黃。或是蟲動也。此方皆可治。急不療。則癆症生。

清胃養脾湯 治前證

石膏 黃芩 陳皮 白朮

茯苓 甘草 胡黃連 使君子

右等分。水煎溫服。或細末。而放飯食內。令兒服之。

打撲

蒲黃散 治小兒打撲。墜墮。血氣停滯。或敗血

入腹。不作疼痛。寒熱羸。痿黃。

蒲黃 當歸去頭 生地黃各一兩

琥珀別研 赤芍 桂心各半兩

右水煎

臍風撮口

宣風散 治初生兒。臍風撮口。多啼不乳。口出

白沫。

全蝎二十個頭尾全 麝香一字

右同和勻。細末。每用半字。金銀煎湯。調服。

益脾散 治臍風撮口

茯苓 人參 草菓煨 木香濕帝

甘草 陳皮 厚朴 蘇子各等分

右姜壘煎

千金龍膽湯 治月內臍風撮口。四肢驚掣。發

熱吐乳。及變蒸。客忤。鬼氣。驚癇。

龍膽炒 釣藤 柴胡 黃芩 枳椇

甘草 芍藥炒 茯苓各二 大黃煨 蟪二枚去

右為末。每服一二錢。水煎。量兒加減。加人參

當歸。佳

撮風散 治撮口。胎氣夾熱。風邪入臍。因流毒

心脾經。故舌強。唇青。聚口。而啼。聲不出者。

釣藤鈎 朱砂 強蚕

蝎稍各一 蜈蚣 麝香一字

右為末。竹瀝調下。齒齲上。有小泡子。如粟米形。急可擦破。

甘草湯 治撮口

甘草生一各

右水煎。以綿球。令蘸吃。令出痰涎。却以猪乳。

點入口中。即瘥。瘵風不乳 頭瘡

小兒二十二

瘵風

瘵風眼閉。口瘵。啼聲漸小。而舌上聚肉。如粟米形。不得吃乳。口吐白沫。大小便皆不通。

定命散 治初生小兒口瘵不開

蟬退 十四ヶ 去嘴脚

全蝎 十四ヶ

右細末。輕粉少許入和勻。調乳汁煎服。

不乳

茯苓丸 治舌乾唇燥急欲乳不能咍乳

赤茯苓 黃連 枳殼

右等分為末。煉蜜丸。乳汁下。○蘇乳方。見前

頭瘡

小兒頭生肥瘡。或多生虱子。搔痒而為瘡。膿水出不止者。用之。

一掃光 治頭瘡

細茶 一各

水銀 同上入 茶內研

花椒 各二各

右為末。香油調塗。

一方 治小兒頭瘡。經年不瘥。

黃連 大黃 苦參 松脂 各一兩半 水銀

黃芩 胡粉 各一兩 蛇床 十八 白礬 五

右細末。以臘月猪脂和水銀研。不拘時敷。

一方 治小兒頭禿瘡生者。

防風通聖散 拌酒為末。再以酒拌焙乾。

每服一錢。水調服。外用白灰燒紅。碎入水中。

乘熱洗之。更以胡荽子。伏竜肝。懸竜尾。黃連。

白礬。為末。調香油敷之。

臍瘡

小兒因剪臍。外被傷風邪。以臍瘡致不乾。

礬龍散 治臍瘡

枯礬 龍骨 各五分

右為末。每用少許。可摻臍上。

一方 治自臍中汁出。或痛。

枯礬

右末乾敷。○又方。黃檗末。敷之。

痘疹

痘初起

小兒二十三

三豆湯

凡天行痘瘡鄉里正發宜預服此能活血解毒入門云太古無痘疹周末秦初乃有之

赤小豆 黑豆 菜豆各等 甘草減半

水煮熟任意七日飲之痘永不出

升麻葛根湯

治初熱壯甚疑似未明服此或痘已出而表熱甚者

升麻中 乾葛大 白芍藥中 甘草小

姜煎加山查子牛房子尤可如熱甚加酒炒

黃芩黃連能解熱痘毒

柴胡飲

治痘瘡初起熱甚表裏俱實

柴胡 防風 荆芥 黑參各八分

大黃一錢 黃芩 滑石各錢半 甘草五分

水煎不時服

加味升麻葛根湯

其或憎寒壯熱頭痛欬嗽鼻流清涕者多因外感不可不發散也體氣素壯實者此方主之

升麻 葛根 山查各天 紫蘓 川芎

赤芍 牛蒡各中 桔梗 防風 甘草各小

右生姜三片同煎熱服取汗

同前

加味參蘓飲

治前證體氣素怯弱者

葛根大 人參 紫蘓 川芎

桔梗 前胡 茯苓 牛房子

山查各中 陳皮 半夏 甘草各小

右入生姜三片同煎熱服取汗可去半夏痘忌燥也

○傳云疑似之間虛候者用輕劑獨參湯○

又云自初歲到三四歲或六七歲疑似之間

熱甚則上竄搐搦口眼喎斜等類驚風可用

赤龍丹辰砂茯神等分煉蜜或以小量獨參

湯送下之若實者蘓合香圓亦可○又云疑

似之間兼食滯者藿香正氣散去半夏加山

查凡山查痘奇藥也

見點之間見證用藥三條

初誤用葛根湯類誤表而後見點五六粒中大抵其候有三條是痘疹開始之始也

十神解毒湯

已出未出三日以前痘點煩紅

煩渴欲睡臥不寧小便赤澀者此血熱也此

湯主之此藥專治身發壯熱腮赤紅臉赤毛

焦色枯

當歸尾 生地 紅花 丹皮 赤芍

痘見点 小兒二十四
桔梗 木通 腹皮 連翹 川芎 等分

右入燈心。水煎。○身熱壯盛。加葛根前胡。○
毒盛綿蜜。加荆芥牛房子。○渴。加天花粉竹
葉。○小便尿血。加犀角梔子。○大便黑。加犀
角黃連。或桃仁。○吐血乾嘔。加黃連犀角。○
發紅斑。加犀角黃芩黃栢梔子玄參。○小便
赤。加山梔。○小便短澁。加豬苓沢瀉。○小便
秘。加瞿麥滑石。○大便秘。加枳殼前胡。○大
便秘喘。加枳殼前胡大黃。○煩躁。加麥冬天
花粉。○煩渴狂亂謔語。加知母麥冬石膏。○
嘔吐。加黃連豬苓沢瀉。○嘔。加陳皮。○咽喉
痛。加甘草牛房子荆芥。○泄瀉。加豬苓沢瀉。

温中益氣湯

已出未出。三日以前。痘影淡淡
在皮下。不見紅活。唇淡面白。或帶青。脉亦遲
緩。怠倦嗜卧。不思飲食。形狀靜者。虛寒也。或
治血氣虛弱。送毒氣不出。而驚搐狂燥者。

人參 白朮 各五分 黃耆 生 當歸
茯苓 各六分 甘草 炙 川芎 各四分 白芷
防風 各三分 木香 肉桂 各二分 山查 六分
右姜棗煎服。一服中病即止。

張三錫

近制益氣湯 已出未出。三日以前。痘
影淡淡在皮下。或交出紅點二三粒。驚搐狂
躁讖語。診之微細數者。虛爾無寒証也。此湯
主之。或昏睡精神不正者。以獨參湯。可無用。

人參 白朮 麥門
五味 陳皮 甘草
黃芩 當歸 黃芩
右姜一片。水煎。

○傳云。右三條中。第一條。用十神解毒湯二
三點。解心熱。則諸證退。故動悸頭痛止。小便
快利。是正面也。然則痘色。過赤亦能醒。諸証
退。則消毒飲合甘桔湯。或大力子湯。可撰用。
○第二條。用温中益氣湯。而為見點。則可用。
保元湯。黃耆生可也。肉桂木香等。不可久投。
若此證。其初元氣虛寒也。故用此湯。雖有即
効。已痘發出。而見之。則過赤。有毒氣者。可用
大力子湯。有虛者。可加參耆。此方虛實俱加
味。則易用方也。古代專用神効散。此補瀉相
兼方也。故自古來便用。雖然。有專可補証。有
專可解証。於此時。唯投神効散。到灌膿結痂。

大力子湯
青荆芍
脾甘

害多。凡活幼心法。始清解散。次調元化毒湯。清毒活血湯等方。皆自神効散。加味之。嗟呼。久吾輩。以溫補究力。雖施治之。其清解方。以神効散為主。不離參耆之保元。故熱毒甚者。右劑等。其効不速也。師傳。右調元化毒湯。清毒活血湯之類。証候熱毒甚者。黃連解毒湯。加紅花生地黃。或生地四物湯。合黃連解毒湯。為擺菜。取即効。○第三條。用近制益氣湯。証。全体淡白。虛寒候。而其人狂燥。而噤渴。或淡白中。交出紅點一二粒。妄言煩躁。見陰陽錯雜。是痘毒雖輕。其人心火有餘。而有此證。近制清益湯主之。或六君子。加黃連山梔竹茹麥門。若虛甚者。無用獨參湯。此師傳經驗也。○傳云。一應有寒證。雖用附子。治其寒。則可去之。元氣虛寒。雖有効。此物痘疹。一体敵。某也。此世間未發說。而師卓見也。屢試之。或石茶等。莫妄用。世医心法。保赤全書等。投石某方劑多。然此格外法也。大抵為中治。佳

起脹

起脹。痘皆發出。而後盛漿也。 此時亦熱毒

甚者。清毒活血湯。或解毒湯。四物合方等用之。又淡白。而痘見虛薄者。保元湯。或千金內托散。參歸鹿茸湯等。可撰用。○又色過赤者。痘有艷。潤澤者。可用內托散。色過赤熱毒強者。必無艷。乾枯而黑焦象。最於前主方。可解毒瀉解矣。

灌膿

灌膿。水化成膿時也。與起脹。別無治法也。起脹佳。則灌膿不容際也。又輕症與起脹同時。而別不及算日。雖然。言常例。則自發熱。算三日之數也。

收靨 一結痂

收靨。自灌膿中。漸見。到此時。元氣痘氣雖張表。自此。痘根緩。雖生也。故此時。若感風寒。或食滯。或經穢氣。則發雜證。寒戰。咬牙等也。寒戰咬牙。俱有熱毒虛寒二證。虛寒。活幼建中湯。無用參附湯。熱毒。活幼加味四苓散。或二陳湯。加黃連山梔。多効。虛寒証。建中湯。雖究力用。有為不治証。此其痘稠密歟。或毒氣內殘歟。有故難奈何。

落痂

痂落雖無故。此亦依証。痂不落。而有為不治証。此毒氣殘歟。或虛証歟。雖然。初發治法不差。則無此時患也。某方論治後詳也。

調理

痘後調理。六君子湯。益氣湯。或逍遙散。八物湯。大補湯等。隨証可撰用。

大力子湯

中和方。而見點出齊比。用之。

大力子

桔梗

芍藥

陳皮

荆芥

川芎

蟬退

甘草

右八味水煎。

有虛。加人參黃耆。

消毒飲

痘瘡欲出已出。熱尚未解。毒氣太盛。稠密而成片者。急進此三四服。快透消毒妙。

牛旁子

微炒

荆芥

甘草

各一

防風

半

右水煎一方。

加黃芩

一

犀角

五分

人參透肌散

治痘瘡虛而有熱。雖出快不齊。隱皮膚間者。

人參

白朮

茯苓

芍藥

木通

蟬退

甘草

粳米

紫草

各等分或代紅卷

右水煎溫服。

保元湯

治痘不起。脹氣虛者。始終主之。

人參

黃耆

甘草

右水煎。

○吳昆。

加肉桂。

○保赤。

加川芎官桂。

白朮。名大保元湯。

○隨症照加減用之。

參耆內托散

治氣血虛損。或風邪穢毒中觸。使瘡毒內陷。伏而不出。或出而不勻。快。此茶活血。勻氣。調胃。補虛。內托瘡毒。使之盡出。易收。易靨。

黃耆

人參

當歸

川芎

防風

桔梗

厚朴

白芷

甘草

各一

木香

肉桂

各三

右水煎服。

○師傳。

膿漿不充滿者。

合參歸鹿茸湯。

托膿之劑。

莫妙於此方。

以鹿茸補血力。

峻。活幼云。

痘色淡白。

疱不尖圓。

根無紅暈者。

氣虛而血縮者也。

必不成膿。

急宜用此等方。

隨症可加減。

參附湯

治痘疹。陽氣虛寒。咬牙寒戰。手足並冷。或吐瀉。不食。飲沸湯。不知熱。

人參

附子

先

冬不應多加。更不應加。

至四五冬。或至等分。無妨。

右水煎服。

獨參湯

治陽氣虛弱。痘瘡不發起。不紅活。或膿清不滿。或結痂遲緩。或痘根白色。或嫩軟而不固。或膿水不乾。時為痒。或畏風寒。

人參一兩

右姜棗水煎。嬰兒乳母亦服而可也。

十二味異功散

治寒戰咬牙。痒塌泄瀉。裏虛。

當歸

白朮

肉豆蔻

陳皮

茯苓

附子

半夏

厚朴

肉桂

人參

丁香

木香

右姜棗水煎。溫服。○痘科鍵去厚朴。半夏加訶子。甘草。名木香異功散。凡痘至八九日。見虛寒數候。即與服之。此原兩方。或參合之。糯米一撮入之。○準繩云。如因泄利。氣虛而厥者。陳氏木香散。異功散主之。但十指頭微寒者。四君子湯。理中湯。並加肉桂主之。○又云。凡瘡未出。而利者。邪氣併於裏。腸胃熱甚。而傳化失常也。黃芩湯主之。黃芩芍藥甘草水煎。如自利。清白色者。為裏寒。理中湯主之。○又云。瘡已出。而利者。邪氣併於表。正氣方逐邪氣。主于表。而不主裏。則裏氣虛。不能停納。

水穀。故亦自利也。宜從氣虛而治。九味理中湯。倍人參。加黃耆白芍藥。本方。加訶子肉蔻。茯苓。木香。藿香。甚則陳氏本香異功散。皆可用也。○

豆蔻丸 治痘出氣虛吐利不止

肉豆蔻

木香

砂仁

龍骨

訶子肉

煨赤石脂

煨過水

為末。神麴糊丸。黍米大。周歲兒廿九。米飲下。

移痘丹 治痘出目中初見點時用此移之

守官

辰砂

珍珠

茯神

遠志

琥珀

為末。紫草膏和丸。如梧子大。每服一錢二分。欲移在手足。觀桂歲靈仙煎湯下。欲專移在足。牛膝木瓜煎湯下。微汗為度。再用後藥二服。

川芎

藁本

荆芥

白芷

蟬蛻

防風

生薑

葱白

水煎溫服。○血熱者加紫草連翹。吾吳以痘疹名世者。莫不以守官為方士異端。為知醫學。正傳。聖濟總錄。衛生堂。丹溪。摘玄。聖惠。方等。咸取入劑。豈可以方士目之耶。

透骨解毒湯 準繩云。如瘡本潰爛。寒戰咬牙者。此手少陰心火也。經曰。熱勝則肉腐。寒戰咬牙。火氣動搖之象也。此湯主之。

紫草 甘草 當歸

防風 陳皮 芍藥

右水煎。○又云。因陽氣虧損。咬牙寒戰者。獨參湯。參附湯。甚効。

建中湯

仲景之變方也

而有內虛寒也。此湯主之。

人參 黃耆 白朮 當歸 川芎

附子 制乾姜 肉桂 甘草 丁香

右生姜一片。同煎溫服。一服立止。甚者不過

二服。○結痂後。寒戰咬牙者。同此方調治。○

如痘色。紅紫齊勇。掀發身熱。煩燥作渴。大便

秘。小便赤瀉。脈來洪數者。熱也。蓋胃熱則咬

牙。肺熱則寒戰也。透骨解毒湯主之。或加黃

芩。黃連。山梔。

溫表調中湯

當壓不壓者。此虛寒症也。必身涼而手足冷。須大補氣血而助之。收

結。宜用此湯。

黃耆 人參 白朮 茯苓 官桂

川芎 當歸 甘草 乾姜 防風

白芷 丁香 附子

右生姜一片。同煎溫服。

清表散毒湯

發熱蒸。而當壓不壓者。毒氣未解也。退其熱。則痘自收。宜此湯。

地骨皮 麥冬 花粉 牛蒡

連翹 當歸 猪苓 沢瀉

黃芩 木通 甘草

右水煎。溫服。

消毒散血湯

當壓時。或忽然腹痛。其痛着在中脘。此熱毒凝滯。瘀血作痛也。

牛蒡子 芍藥 桃仁 大黃

紅花 沒藥 乳香 茶將藥投入。各五分

水煎溫服。一服立愈。○去沒藥乳香。加桂枝。

名手捻散。治症同前。○若痘已出。不熱躁。不

飲冷。大便不實者。元氣虛弱也。可用白朮散

類。○噯腐吞酸。大便穢臭者。乳食停滯也。用

保和丸。

生地黃湯

治痘疹身熱。口乾咳嗽。心煩等。

痘

小兒二十九

生地黃五錢

杏仁

款冬花

陳皮各三錢

甘草各二錢

麥冬七分

右水煎徐服

消風化毒湯 治痒塌

防風

荆芥

升麻

白芍酒炒

桂枝

牛房子

乾葛各等分

右竹葉水煎。○氣虛痒甚。遍身兀破。膿血淋漓。不能坐卧者。千金內挖散。去桂。倍耆。加白芷。去痒。

●倒靨 痘瘡能依期灌漿結痂如螺靨為吉。若膿未滿足。忽然乾靨。或膿成之後。不痂破爛。或收靨之時。泄瀉膿血。或空泡乾枯。或發熱昏憤。或咬牙寒戰。或手足並冷。飲沸湯而不知熱。是名倒靨。由中氣不足。毒從內入之故。宜參耆內托散。補中益氣湯。保元湯。選用。使破者重復灌漿。無處更出。贈痘。則正氣得補。復祛出毒邪也。若服補藥不出。贈痘。破處不復腫灌。更下膿血者不治。

○將靨之時。忽然黑靨。或漿未充。而忽然收靨。或漿雖充。而一齊結疔。乾紫。此氣虛血熱。

因火迫而收之大速也。犀角地黃湯加紫草茸。或四聖散加人參當歸。

○心煩狂躁。讖語便秘。口渴飲水能食者。此則外觸穢氣。而倒靨。內服奪命丹。外燒熏穢散。碎之。蒼朮細辛甘松川芎乳香降香等分燒之

●焮赤 大便不通。小便如血。或結癰毒。身痘破裂出血。乃內火熾盛。失於解利。急用犀角地黃。小柴胡。加生地黃。及四順飲之類。

○薛氏云。若心脾熱甚。犀角地黃湯。心肝熱甚。小柴胡。加生地黃。若大便不通。先用四順飲。次用犀角地黃湯。若色赤焮痛。二便不通。急用活命飲。加硝黃。若色赤焮痛。惡寒發熱。

活命飲。加麻黃。若因乳母怒火。加味道遙散。○飲食 胸前稠密。毒氣傷脾。減食者。消毒飲。加黃芩。山楂。紫草。人參。

○傷食 腹脹不食者。枳朮丸。有痘出太多。中氣暴虛不食者。四君子加糯米。

○有痘起之後。能食易饑者。此冒大熱。不久而沒生焉。大便秘者。四順飲。加連翹。牛旁微利之。不秘者。芍藥湯。加茯苓。木通。牛旁子。以

痘

小兒三十

和之。

清肺湯 治衄血

花粉酒炒 麥冬 天門酒蒸 甘草 桔梗

當歸酒各五分 白芍酒 黃芩酒炒 牡丹酒洗 知母蜜炒各四分

右生姜一片同煎。一二服。立止。如有髮灰。入一錢調服尤妙。○髮灰無病人亂髮洗淨。和而黑燒。

清上飲 痘有口舌生瘡者。或是熱毒。或是虛火。當以痘色辨之。切不可誤認為實熱。而純用寒涼解毒。如痘色紅紫。湧盛者。熱毒也。用此方主之。如痘色淡白者。虛火也。用參麥清補湯主之。後方見。外用赴筵散搽之。

薄荷 防風 甘草各四分 白粉葛 牛旁 連翹 桔梗 黃芩酒炒

黃連酒炒 花粉酒炒 麥冬各六分 右生姜一片同煎。溫服

赴筵散 薄荷葉 黃柏 各等分為

細末。入青黛少許。和勻搽之。

利咽解毒湯 痘有咽喉腫痛者。首尾俱用利咽解毒湯。外用玉鎖匙吹之。

山豆根 麥冬各一分 玄參 桔梗

牛房子各七分 防風 甘草各五分

右生姜一片同煎。食後良久。溫服。每茶一煎。分二三赴。緩々服。

玉鎖匙 朋砂一匙 朴硝一匙 姜蚕一條 片腦五厘

右為細末。以竹管吹之。

參麥清補湯 痘有音啞者。當細辨痘色。以分

順逆。若痘色紅者。行漿而音啞者。此氣喉有痘也。是以外痘行漿時。內痘亦行漿。窒碍氣道。而音不亮也。待外痘壓。則內痘亦消。而音自亮矣。此不必別加調治也。若痘色虛陷。灰白。而音啞者。乃血氣虛弱。送毒不出。毒留於肺。肺氣受傷。以致失音。此則危矣。宜此湯主之。無用千金內托散。

人參八分 麥門冬去心酒蒸 白花粉酒蒸

生黃耆各一分 牛旁各五分 前胡各五分 炙甘草

生甘草各三分 酒炒白芍 生白芍各四分 當歸酒洗

大川芎 生地黄酒洗各三分 桔梗三分 山查肉五分

生姜一片。龍眼肉三個。同煎溫服。遇此症者。此茶頻頻服。○又痘有咽喉噎水者。順逆不同。須當分辨。○痘未行漿。而喉先噎水。此則

毒氣壅塞。其喉必痛。宜用前治咽喉方。治之。
導赤散 痘有小便赤澀者。用之。

木通

赤茯苓

麥冬各八分

車前微炒

生地各四分

甘草

人參各三分

燈心一團如龍眼大。同煎。饑時服用。此方不
効者。宜用八正散。○赤茯苓。○瞿麥。○篇蓄。
○車前。○山梔。○木通各八分。○滑石二分。○甘草四分。○
水二鍾。燈心一團。煎至一鍾。食前服。○熱盛。
大便亦秘者。加大黃一錢。○本方。三味導赤
散。翁仲仁云。大抵痘疹已出。正賴胃氣。運其
毒氣。善攻其熱者。甚則利小便。蓋小便利。則
心火有所導引。雖不用冷茶。熱亦自減矣。熱
輕。則解其熱。蓋小熱不解。大熱必生。小熱而
利其小便。則虛損氣。故但當解熱也。利小便
之茶。導赤散為上。○萬氏云。心證毒多者。必
伏不起。謬妄飲水。煩哭咬牙。宜預解心之毒。
導赤散。加黃連。辰砂。師傳云。痘疹發熱已出
之間。升麻葛根湯。導赤散最為穩當。或毒伏
不起。症熱毒甚者。合黃連解毒湯。亦為當。若
誤用大寒石茶等。既無消毒之能。但求清熱。

是揚湯止沸耳。既無逐毒之能。徒伐胃氣。則
胃寒肌肉斂。毒氣內陷。痘何由而出哉。

通用方

補中益氣湯

治結痂時誤犯風寒。惡寒發熱

者。○吾聶云。其發熱稍緩。頭熱。面不甚熱。手
心脚心熱。手背脚背不熱。精神困倦。大小便
利者。虛熱也。此湯加川芎。若渴者。加麥冬。五
味子。又云。痂落後。有精神困倦。飲食減少。胸
腹。頭頂。手足心。發熱而煩渴者。內虛也。仍用
此湯。主之。或有雖不發熱。而倦怠嗜臥。不思
飲食。或手足冷。或津液少而渴。或癍白不紅。
皆內虛之候也。亦宜用此湯調治。不然恐生
他症。

十全大補湯

治稟賦不足。血氣虛弱。而不收

斂。不結痂。或寒熱自汗。食少體瘦者。痘科鍊
加連翹。白芷。金銀花。

逍遙散

治乳母肝脾有熱。而欲痘斂不斂。欲

落而不落。水煎。母子同服。

起死回生散

治痘瘡至七八日。忽然變黑。收
入腹內。偏身抓破。吮喘。死在須臾。服此。從新

別發出。立可回生。

當歸

川芎

芍藥

生地

升麻

紅花

右半水。半酒煎服。○上陷加白芷。下陷加牛膝。遍身黑陷。加麻黃。○脚下有黑疔。至七八日。用針挑去。以大乙膏貼之。此方活血清血。拔熱毒於表之劑也。○痘出八九日。漿滿。或為寒。所薄一時。痘俱紫黑。如紫葡萄色。不必驚恐。急以上好內桂。磨湯。或煎湯服之。立見如舊。

加味保元湯

治結痂後。虛煩者。

黃耆二錢

人參一錢

知母

山梔各一錢

麥冬二錢

甘草五分

右水煎溫服。○結痂後。有餘毒者。加牛旁子。

牛旁子各一錢

牛旁子飲 治痂落。而有餘毒。覺聚藏府。時又作熱。腹內疼痛。

牛旁子

前胡

黃連

黃芩

連翹

白附子

玄參

赤芍各一錢

羌活

防風

甘藍各五分

右水煎溫服

大連翹飲 結痂後。發熱或煩渴者。當辨其虛實寒熱。調治。發熱壯盛。胸腹手足頭面俱熱。大便秘澀。小便赤澀者。餘毒盛也。即當解毒。此湯主之。若解毒遲。則痂落後。必發癩毒。

連翹

牛旁

柴胡

當歸

防風各八分

木通

車前

荊芥

山梔酒炒

滑石

甘草

蟬退各五分

生姜一片同煎。大便秘者。加酒炒大黃一錢五分。○又有不虛。而服補劑。不寒。而服熱劑。以致發癩者。醫之誤也。凡此俱。此湯主之。○痘出齊數日後。其間有紫黑。脹硬獨大。而無根暈者。痘疔也。用服三仙散珍珠散塗之二方見類方

解毒內托散 治痘後發癩

黃耆

當歸

防風

荊芥

赤芍

木通等分

甘草節

忍冬花倍用

水煎入醇酒少許服之。

蟬菊散 治斑痘入目。或病後翳障。

蟬脫

白菊花各等分

右水煎。入蜜少許服。

痘通用方

小兒三十三

熱眼丹溪方 治痘瘡傷眼。

山梔 决明 赤芍 當歸 黃連

防風 連翹 升麻 桔梗 右水煎

通明散 治痘後餘毒。眼生翳障者。

當歸 川芎 芍藥 生地 防風

葛根 菊花 蟬退 花粉各等分 穀精草用倍

右水煎。眼赤腫。加黃連山梔。翳厚。加木賊。

瀉肝散 治痘後肝經蘊熱。目痛。

當歸 川芎 防風 荆芥 白芍

甘草 黃連 木賊 菊花 蔓荊子

白蒺藜各等分 右水煎

復明散 治痘後目痛。而有紅絲翳膜。

當歸 川芎 白芍 防風 生地

荆芥 柴胡 白芷 蔓荊子各等分

右水煎

清胃湯 治痘後牙疳腫痛。

升麻二分 當歸一分 黃連 丹皮 生地各一分

右水煎

犀角黃連湯 治痘後牙疳

犀角 黃連各一分 烏梅 木香二分 水煎

馮氏天華散 治痘後失音

天花粉 桔梗 茯苓 訶子

石菖蒲 甘草各等分 右為末用水

調半匙。在碗內。外以小竹七莖。黃荆七條。縛作一束。點火。在碗內煎。臨臥服。此方熱毒傷肺竅。而失音者。用此方。乃生津利竅。收肺出聲音之劑也。

射干鼠粘子湯 治痘不起發。咽喉疼痛。

鼠粘子錢半 甘草五分 射干六分 升麻四分

水煎不時服之。

紫草消毒飲 治痘疹血熱咽痛。

紫草 連翹 鼠粘子各一分 荆芥七分 甘草

山豆根各五分 水煎不時溫服

補肺湯 治氣虛痘毒乘肺。欬嗽不已。

黃耆 鼠粘子各一分 阿膠八分 馬兜鈴

甘草各五分 杏仁去皮尖 桔梗七分 糯米一撮

水煎溫服

仙方活命飲 治痘後餘毒。腫痛發熱。而渴者。

白芷 防風 沒藥 赤芍 當歸

甘草 皂角刺 穿山甲 天花粉

痘通用方

乳香 貝母各一分 陳皮

小兒三十四
金銀花各三分

右水酒煎服

加味消毒飲

治痘後餘毒或先服附子而熱毒失解聚不散以頭頂胸背手足肢節赤腫而為癰毒者。

牛旁子 荆芥 甘草 防風各五分

犀角二分 金銀花三分 右水煎服

清熱消毒飲

治痘瘡餘毒及一切癰疽陽症腫痛發熱作渴者。

連翹 山梔 黃連 當歸各五分 川芎

芍藥炒 生地各六分 金銀花一分 甘草二分

右水煎

活血解毒湯

治痘餘毒

防風 荆芥 生地 赤芍 當歸

連翹 惡實 黃連 紫草 甘草

蒼朮 薄荷 川芎 木通各等分

右水煎

一方

治痘瘡餘毒未散食穀太早補住毒氣

牛旁子六分 犀角 白朮各三分 甘草五分

荆芥 防風 枳殼各一分 右水煎

加減鼠粘子湯 治痘疔

鼠粘子 天花粉 知母 荆芥

山梔各六分 甘草 右竹葉燈心水煎

身熱加柴胡黃芩○有痰加麥冬貝母○咽

啞加玄參桔梗○咬牙加薄荷石膏○便秘

加蜂蜜玄明粉○昏憤加黃連朱砂○痲枯

加當歸生地黃○癰疽加蟬退川芎○痘疔

落後氣血弱膿水出多生肌不能收斂者宜

八物湯。

二聖散 痘疔挑破而以此點之。

雄黃二分 紫草三分

右為末用油臙脂調

○凡孕婦身發瘡宜馮氏單胎散若胎動不安宜獨聖安胎二方身熱甚宜參蘇飲或瘡稠蜜宜十奇散倍芍藥當歸減肉桂加香附烏茶如胎已五月則半夏桂心之屬俱不必

禁。

單胎散 治孕婦痘

赤茯苓 白朮 當歸 芍藥 赤芍

柴胡 葛根 人參 桔梗 黃芩

防風 陳皮 荆芥 枳殼 紫草

阿膠 糯米 白芷 甘草 川芎

砂仁 大熱加鬱金

右細切。作一服。水一盞半。煎至一盞。乾菴蒂七箇。野苧根七寸。甜瓜蒂一箇。用銀器煎。以荷葉蓋定熬。至八分。去粗。仍用荷葉蓋覆。空心溫服。

獨聖散

用連殼砂仁。火炒去殼。為末。每半匙。熱湯調下。胎動則服。服後覺胎熱則安矣。吳氏云。妊娠出痘。胎痛者。此方主之。胎痛者。熱而氣滯之故也。縮砂辛溫。利而不滯。故可以利氣。可以安胎。

安胎散

大腹皮 人參 陳皮 白朮

當歸 川芎 香附 便 砂仁

紫蘓 茯苓 甘草 芍藥各等分

右入燈草。糯米。水煎服。○吳山甫云。氣血熱則胎不安。氣血滯則胎不安。是方也。人參白朮。茯苓。甘草。所以補氣。當歸。川芎。芍藥。所以養血。黃芩。所以清熱。砂仁。香附。紫蘓。陳皮。大

腹皮。所以行滯也。

○凡妊娠痘瘡者。以安胎散為主。加黃芩白朮。天寒有表症者。間用五積散。去麻。黃半夏。厚朴。姜桂。換白朮。赤芍。加柴胡。黃芩。阿膠。人參。糯米等分。○痘出不快者。消毒飲。○痘出後。血虛者。芎歸湯。加芍藥。氣虛者。保元湯。加芍藥。○熱盛。恐胎墮者。單胎散。胎動者。安胎散。或單砂仁。炒為末。酒調服之。後覺胎熱。則安。

麻疹

麻即疹也。疹軫也。出軫々然生。如芥子。麻出如麻。乱撓為朶。皆以其形而名也。是亦感風寒而發。生死只在三日間。出則乾。餘熱四五日。而全瘥矣。治法以能出之。為上策。乾後有諸症。則於各類宜治之。

○凡麻疹。初起呵欠。發熱惡寒。咳嗽噴嚏。流涕頭眩。宜升麻葛根湯。潮熱甚。加芍連地骨皮。咳嗽。加麻黃杏仁麥門石膏。咳甚。別用涼膈散。如地骨皮桔梗。○泄瀉。宜四苓散。○便

血四苓散。合犀角地黄湯。吐衄犀角地黄湯。加山梔。小便赤。加木通。寒熱似瘧。宜小柴胡湯。又柴苓湯。初起全類傷寒。但面赤。中指冷為異耳。已出煩燥作渴者。解毒湯。合白虎湯。便閉三四日。小承氣。防風通聖散。謔語溺閉者。導赤散。加泔者。四苓散。加車前木通。謔語如狂者。解毒湯。調辰砂六一散。○煩渴作泄者。白虎湯加蒼朮。又猪苓湯。○熱盛乾嘔。解毒湯。傷食嘔吐。四君子湯。○夏月因暑作嘔。四苓散。加人參。忌用肉豆蔻。木香。姜。桂之熱藥。

○麻症初起。已出沒。及一切雜證。與痘毒大同。但始終。宜清涼。傳云。全體以清肺之意。可施治。雖麻喜清涼。痘愛溫暖。不易常道。虛則補。實則瀉。醫家活法。故治麻。亦有血虛。而用四物湯。氣虛。用四君子湯。天寒傷冷。用溫中理中之藥。一時之權也。○麻症沒後。餘熱內攻。循衣摸床。謔語妄語。神昏喪志者。死。如熱輕。餘毒未除。必先見諸氣色。雖預防之。始終以升麻葛根湯為主。或消毒飲。解毒湯。隨症選用。仍忌魚

腥葱蒜之物。

升麻葛根湯

治麻疹初起。惡寒發熱。右姜煎。加紫蘇葱白。以解肌。切忌大汗。

二仙湯

治麻疹已出。而又沒。或出不盡。心慌哭啼不止。十分危證。死在須臾。或下痢腹痛。

黃芩

芍藥各等分

右水煎服

犀角解毒湯

治麻疹已出。大便下血。或小便下血。衄血。或二便閉澀。瘡疹稠密。熱渴赤痛。

犀角二分

生地五分

牡丹

赤芍

黃連

黃芩

黃柏

山梔各一分

右水煎服。如吐血衄血。加炒山梔。童便。

白虎解毒湯

治麻疹已出。謔語煩燥。作渴者。

石膏

知母

黃連

黃芩

黃柏

山梔

甘草各等分

右水煎

瀉白消毒散

麻疹初起。輕者。合三味消毒飲。

桑白皮

地骨皮

牛房子

荆芥

桔梗

甘草

浮萍

右水煎服

加味金沸草散

麻疹初起。重者用之。

荆芥二兩

赤芍

半夏

甘草各五分

麻黃

旋覆花

前胡

牛房子

浮萍各四分

右生姜三片。薄荷三五葉。水煎。

芩連玄參湯 治疹後咳嗽。腹脹喘急。煩燥泄瀉。聲啞唇口青黑者。

黃連 黃芩 連翹 玄參 知母

桔梗 杏仁 白芍 麻黃 乾葛

陳皮 厚朴 牛房子 甘草各等分

右水煎

加味四苓散 方見痘疹 麻出之時。多有自利不止者。

其毒亦因利而散。此殊無妨。如泄利過甚。則以此方與之。切忌用參朮訶蔻補益之藥。重則令腹脹喘滿。而不可救。輕則變為休息痢。纏綿不已也。戒之戒之。○若有毒氣流注。而成痢者。黃芩湯加防風枳殼。

清金降火湯 治麻疹後乘肺金。聲啞不出。或咳或喘。

蘇梗 陳皮 黃芩酒 梔子 石膏

黃連 玄參 貝母 瓜蒌 天冬

麥冬 當歸 生地 茯苓 桑白

杏仁 白芍 甘草

右生姜水煎服

十仙湯 治疹後餘毒。

柴胡 葛根 玄參 黃連 黃芩

山梔 陳皮 茯苓 枳殼 生苳各等分

右生姜水煎溫服

○凡麻疹前後有熱潮不退等症。并為血虛血熱。可服四物湯。發渴。加麥門犀角。○嗽。加瓜蒌仁。○有痰。加貝母陳皮。○麻疹正出之時。雖不進飲食。但得麻疹。淡紅澤潤。真正不為害。加神麩砂仁。用。○麻疹已出之時。如色紅紫。乾燥暗晦。乃火盛毒熾。用生地。加紅花黃芩。○麻疹已出。既過三日。不能沒者。乃內有虛熱。宜四物湯。如失血之証。加犀角汁解之。○麻疹退後。若有牙根腐爛。鼻血橫行。并為失血之証。急用本方。加茵陳。木通。犀角之類。以利小便。如疔瘡。色白者死。○孕婦出麻。本方倍加白朮。黃芩。艾葉。安胎清熱為主。如胎上冲。急用苧根。艾葉。煎湯。磨生枳殼。服之。更以本方。大進之。

主篤按。享保癸酉年。初夏盛暑。麻疹流行。海內一般也。時醫治法。大抵投升麻葛根湯。敗

毒十神之類。舉得効。雖然至盛暑。肺胃熱甚者。讖語煩躁。痰喘大渴。或疹毒內攻。而有至危不救者。於是自初發。發散解熱。平和劑。不能治之。到此時。浪華上月。專安子。訓點千張。氏醫通麻疹門。名麻疹精要。驟刊行之。其治法以解肺胃熱為主。竹葉石膏湯。去人參。半夏。臨證加荊防。牛房子。玄參。或芩連等之法。而妄忌用升麻也。予做精要意。自初發。以此湯。去人參。半夏。出入加減。隨手得効。是盛暑。治熱病例。實白虎之應用。如響應桴。不讀張氏之書者。徒投發表。和解。滋補。誤人者多。或疹後荏苒。至秋冬。有不復者。或有成勞熱者。嗟呼。世間雖無聾盲。偏專我意。雖有此等書。遂捨不取之。是愚益愚者也。苟業醫者。洗村學究。博涉方書。而不可不究。干其淵源矣。

水痘

水痘者。色淡漿稀。故曰水痘。色赤者。曰赤痘。將發之時。亦皆發熱。由紅點而水泡。有紅盤。由水泡膿泡而結疔。但水痘則皮薄色嬌。赤

痘則紅潤形軟。總不似正痘之根窠圓淨緊束也。目見點超發。灌漿結疔。止於五六日之間。其邪氣之輕淺可知。皆由風熱鬱於肌表而發。小兒肌肉嫩薄。尤多此證。當與大連翹湯解之。亦有夾疹而出者。有夾正痘而出者。若先水痘收後而發正痘。其痘必輕。夫水痘熱二三日而出。如赤小豆大。皮薄易出。易壓。但用輕劑可解之。

小麥湯

滑石	甘草	地骨皮	人參
麻黃	大黃	知母	羌活
葶藶	小麥七粒	水煎	

羌活散

羌活	獨活	前胡	柴胡	川芎
白朮	桔梗	枳殼	人參	天麻
地骨皮	各等分	甘草	水煎	右水煎服

溺水

溺水。凍死陷中者。安在床上。四面置活火。徐徐溫之。漿熱灰。溫臍中。及中流。冷更之。摩腹背。而令吐水。捻紙以穿鼻。噎氣通。宜用桂附煎湯。

○溺水者。脫去濕衣。灸臍中即活。用皂莢末。綿裹內糞門。須臾水出。即活。

○陷井者。若握繩。勿令放之。宜截上下。穿鼻握喉。氣未通。宜三里。三陰交。

○木石壓死。并跌磕。傷從高墜下。氣絕者。急擘開口。以熱小便灌之。

外科

癰疽 腫瘍

當審其勢之腫漫。色之赤白。與痛有微甚。毒有表裏。若腫高焮痛。便利調和。邪在表也。宜表散之。

清熱解毒湯

治瘡瘍焮腫赤痛。形病俱實。

黃連酒炒

山梔炒黑

連翹

當歸各半

芍藥

生地黃各一

金銀花各二

甘草六分

水煎熱服。

內疎黃連湯

腫硬痛深。口乾便秘者。邪在裏

宜下之。宜此方。

木香

黃連

山梔

當歸

白芍

薄荷

檳榔

桔梗

甘草各五分

大黃二錢

水煎。食前服。加蜜二匙亦可。○準繩無大黃。有連翹。先喫一二服。次每服加大黃一錢。再加二錢。以利為度。不大便秘瀆者。不加大黃。

五香連翹湯

前症無表裏者。此方主之。

沉香

木香

麝香

丁香各一兩

乳香二兩

連翹

射干

升麻

獨活

桑寄生

甘草各一兩 大黃一兩 木通二兩

水煎。大黃一味。隨虛實加減。

挖裏榮衛湯 治外無拘急。內則便利調和者。

邪在經絡。

桂枝 人參 黃耆 紅花

蒼朮 柴胡 連翹 當歸

羌活 黃芩 防風 甘草各等分

酒水各半煎

○腫焮大痛。或麻木不痛。邪氣凝滯也。外用

隔蒜灸。內服活命飲。或歸耆飲。尤効。

活命飲 治一切癰毒赤腫。未成者消。已成者

潰。但漫腫色白不起。及膿出而痛不止。元氣

虛者禁用。

穿山甲炮 白芷 防風 乳香

沒藥 甘草節 赤芍 枳朮根

歸身 貝母去心研 陳皮 皂角刺各一錢

金銀花三錢

酒水各半煎服

歸耆飲 治腦疽背癰。毒盛焮腫。及虛人肛門

發毒。

當歸重八錢 綿黃耆生 金銀花淨各五錢 甘草生三錢

酒水各碗半。煎至二碗。分三次熱服。一日令

盡。在上者加升麻三錢。在下者加牛膝三錢。

四順清涼散 治煩躁飲冷。赤痛發熱。二便不

通者。火熱內熾也。或活命飲。加大黃。尤善

當歸 赤芍 甘草 大黃酒蒸各一錢半

水煎入生蜜一匙

○微腫微痛。或不痛。陽氣虛弱也。參耆內挖

散。微點微赤。或不赤。或惡寒而不作膿。或膿

熟不潰者。陽氣虛寒也。並用千金挖裏散。

千金挖裏散

保元湯。加川芎當歸肉桂白芷防風桔梗

白芍天門冬連翹忍冬生姜。

荆防敗毒散 治癰疽疔腫。發背。乳癰。諸般瘡

毒腫痛。膿瘡。初發。憎寒壯熱。

人參敗毒散。加荆芥防風連翹忍冬。去人

參。

潰瘍

潰瘍。膿潰而腫消。痛止者為順。若膿腫痛。或

發寒熱者。氣血虛也。十全大補湯。或膿潰欲
 嘔。少食脾胃虛弱也。六君子。加炮姜。手足並
 冷者。脾氣虛寒也。六君子加姜桂。不應。急加
 附子。膿潰而仍痛。或二便秘瀉者。毒未解也。
 清熱消毒湯。熱退而渴不退。津液不足也。八
 珍加黃耆麥冬山茱萸。熱止而小便頻數。腎
 虛也。加減八味丸料。若熱不止。或腫痛反甚。
 虛熱內作也。保元湯。加清心涼血之劑。或熱
 退而肌肉不生者。氣血俱虛也。十全大補湯。
 瘡色天白。或陷下不斂。寒氣所襲也。五味異
 功散。佐以豆豉餅。膿血過多。煩躁不安。乃亡
 陽也。急用獨參湯。尤當審其腫之軟硬。飲食
 冷熱。與膿之稠稀。多少。內之赤色。青黯。及瘡
 口之收儉。遲速。而投挖裏。消毒。調補之劑。庶
 無變證。

○潰瘍。十宣散十全大補湯主之。氣滯加香
 附子。癰疽已雖已見膿。根脚赤暈。及展開關。
 或不痛。或大痛。此毒氣不退。十宣散。去厚朴。
 桂。倍人參當歸黃耆。加忍冬連翹犀角括萎
 根。春末夏間。及秋初。宜加酒芩。黃連黃檗菴

活。

千金內挖散 即十宣散又名參耆內挖散

黃耆 發 人參 當歸 酒各二錢 川芎 防風

桔梗 白芷 厚朴 姜 肉桂 甘草 生各一錢

水煎。加金銀花亦好。

竹葉黃耆湯 治癰疽發背。諸般疔腫。表裏熱

甚。口乾大渴者。

黃耆 甘草 黃芩 川芎

當歸 白芍 人參 半夏

石膏 麥冬 各八分 淡竹葉 十片 生地 二錢

水二鍾。姜三片。燈心二十根。煎八分。食遠服。

挖裏清中湯 治癰疽。脾胃虛弱。欬嗽。痰氣。不

清。飲食少思。

六君子湯。加桔梗麥門冬五味子。

挖裏和中湯 治癰疽中氣虛弱。飲食少思。腫

不消。潰不斂。

六君子湯。加乾姜木香。

挖裏建中湯 治癰疽元氣素虛。或因寒涼傷

脾損胃。飲食少思。凡食無味。或作嘔泄瀉等

症。急服之。

六君子湯加附子乾姜。挖裏定痛散。治癰疽潰後。血虛疼痛。不可忍者。宜服之。

歸身 熟地黄 乳香 沒茶
川芎 白芍 肉桂 粟穀泡去筋膜 蜜炒三錢

經驗方 癰疽刺後。二三日間。十宣散加椒皮。忍冬根。枳根。三味。此三味一切之瘡腫。排膿甚效。加味各證主方而可也。

癰疽秘方 此茶小瘡不用之。瘡疽難治可用之。雖不用外治。愈妙。若元氣極虛者。獨參湯無用。稻若水先生傳。

沉香霜 五八中霜 頭蟹霜各中
鹿角霜大 大黃生 川芎大

右細末和勻。以一錢。三分之。三度用之。

○凡癰疽。一切瘡腫。刺後。痛甚難忍。用乳香沒茶等分。細末和水。敷瘡外。甚妙也。

●瘡瘍作痛。當審邪之所在。證之所因。如寒熱而痛。邪在表也。人參敗毒散。如便秘而痛。邪在裏也。清熱消毒湯加白蜜。

○腫焮而痛。血凝滯也。活命飲。

○作膿而痛者。托裏消毒散。排膿。

○脹而痛者。鍼之。

○膿潰而痛者。補之。

○氣虛而痛。四君子加歸耆。

○血虛而痛。四物湯加參耆。

○大抵形傷痛。氣傷腫。不知此數者。徒以乳香沒茶為止痛之方。則非所以為法矣。仍審五藏相勝相兼之證。而治之。後做此。

●作嘔不止。腫瘍時嘔。當作毒氣攻心治之。潰瘍時嘔。當作陰虛補之。此論其常耳。

○腫赤焮痛而嘔者。熱毒甚也。活命飲。

○作膿而嘔者。血氣虛也。六君子加歸耆。

○便秘而嘔者。熱在藏也。清熱消毒湯。去生地金銀花。加檳榔木香。

○寒茶服多而嘔者。胃氣傷也。六君子加桔梗柴胡。

○有肝氣乘脾而嘔者。有胃虛停痰而嘔者。有鬱結傷脾而嘔者。皆由脾胃虛弱。毒氣畜聚。治宜調補中氣。則正氣復而邪氣去矣。

●出血不止 瘡口出血。有因五藏相勝。陰陽不調而血不止者。有因六淫七情之氣不平。而血妄行者。

○因肝火內動。四物加山梔丹皮。

○肝經血虛六味丸。

○心虛不能統血。四物加參朮丹皮酸棗仁。

○脾虛不能統血。四君子加山梔丹皮。

○脾肺氣虛。補中益氣湯。

○氣血俱虛。十全大補湯。

○腎氣不足而肝火內動。六味丸。梔子清肝散加五味。

○大凡失血過多。而見煩熱發渴等證。勿論其脈不問其證。急用獨參湯以補其氣。經云。血生於氣。苟非參耆歸朮甘溫之藥。決不能愈。若發熱脈大者多不治。

●肌肉不生 肌肉乃脾胃所生。收斂皆氣血所主。二者相濟以成者也。

○肥肉不生而色赤。血熱也。四物加山梔丹皮。

○晡熱內熱。血虛也。四君子加歸地丹皮。

○膿水清稀。氣血虛也。十全大補湯。

○食少體倦。脾氣虛也。補中益氣湯。

○煩熱作渴。起居如常者。胃熱也。竹葉黃耆湯。

○煩熱作渴。小便頻數者。腎虛也。六味丸。

○肉腐而不潰者。烏金膏若肉潰而不斂者。六君子湯。外用珍珠散敷之。

○臭穢脈洪大而作渴。乃真氣虛而邪氣實也。此為難治。大凡瘡瘍久而不愈者。元氣不足。或因邪氣凝滯於患處。苟能調補脾胃。則元氣自足。元氣既足。則邪氣自消。死肉自潰。新肉自生。而瘡自斂矣。若不保其本。而槩敷生肌之劑。是反助其邪。後更潰爛耳。

●發熱不止 瘡瘍發熱。初患乃毒氣所燬。已成乃內燬作膿。已潰乃血氣虧損。不可槩行敗毒以傷元氣。

○作痛而發熱者。活命飲。

○作膿而發熱者。托裏消毒散。

○午前發熱者。陽氣虛也。補中益氣湯。

○發熱作渴。小便頻數者。腎氣虛弱也。加減

八味丸。

○膿血多而熱者。陽無所附也。十全大補湯。

○日將晡而熱者。氣血虛也。八珍湯。

○無寐而熱者。內補黃芩湯。

○煩躁者。血脫也。當歸補血湯。

○自汗而熱者。胃氣虛也。四君子湯。

○惡寒發熱者。肺氣虛也。補中益氣湯。或四君子加黃耆當歸。

○有五藏相勝。夾食夾寒。六淫七情所致者。不能備述。臨證詳之。

●大便不通。瘡瘍大便不通。初起則審所致之因。所見之證。而行內疏外表之法。已潰則分氣血虛實傳變之證。而用托裏滋補之法。不可泛用苦寒疎導之劑。恐復傷真氣。則腫者不能消散成膿。潰者不能生肌收斂。故丹溪云。腫瘍內外皆壅。宜托裏表散為主。潰瘍內外皆虛。宜托裏補接為主。治者審之。

●小便不通。瘡瘍小便不通。其因不一。當分經絡虛實而察之。

○瀆而惡寒發熱。氣血虛也。八珍湯。手足並冷。陽氣虛寒也。四君子加炮姜升麻。

○手足不冷。乃脾氣虛弱也。四君子加升柴半夏。

○寒熱往來。氣血虛也。十全大補湯。

○大便了而不了。脾氣虛而下陷也。補中益氣湯。

○切不可輕用疎導之劑。復傷元氣。致腫者不能復起。發腐潰。潰者不能生肌收斂。須臨證制宜而治。庶無誤矣。

●作渴不止。瘡瘍作渴。當分經絡所屬。及血氣虛實而治。

○焮痛發熱。便利調和者。邪在表也。清熱消毒湯。

○腫痛發熱。大便秘瀆者。邪在裏也。涼膈散。

○焮痛熾盛。邪在經絡也。活命飲。

○右關脈洪數有力。胃火消燦津液也。竹葉石膏湯。

○右關脈數無力。胃虛津液短少也。補中益氣湯。

○飲食失度。胃氣內傷而亡津液者。參苓白

木散。

○膿血出多。而氣血虛弱者。八珍湯。加五味。

○稟腎不足。而津液短少者。加減八味丸。

●自汗不止。瘡瘍潰後多汗。衛虛元氣外

泄。大非所宜。其稟質肥盛者。溼熱外泄。猶無

大患。若形槁色枯。胸中多氣。血液衰少者。乃

火熱亢極。為害彌甚。故治肥盛之人。潰瘍多

汗。則宜托裏消毒散。加減。氣虛形盛者。則宜

六君子為主。酒客則加麩街澤瀉之屬。

○形瘦之人。潰瘍多汗。則宜保元湯。加歸芍。

或生料六味。加棗仁。救其津液。庶免火氣內

燔。咽燥噎塞。煩擾喘欬之患。

○大抵潰瘍多汗。一切苦寒傷胃。膩滑奪食。

辛熱耗氣之藥。皆當切禁。

●下痢不止。癰疽潰久。瘡口不收。膿水清

稀。而見泄利驚瀉。皆為脾氣衰弱之候。理中

補中。四柱六柱。二神四神。並可選用。

○下痢白沫。此脾氣下陷。補中益氣。加姜桂

具。莫木香之類。

○見膿血下滯。須詳血色之鮮晦。鮮者則宜

連理湯之姜連。並進以和其中。晦者則宜理

中湯。稍加桂附以溫其下。赤白兼下。如瑪瑙

色者。亦宜上法。倘數服不應。又當補中益氣

加辛溫之品。無升舉其陽。

○下痢清血。則加茜根烏鰂骨烏梅白芍。苟

非夏秋溼熱下注。則黃連厚朴枳殼檳榔。沃

瀉等藥。皆為戈戟也。

疔

加減敗毒散 治癰疽疔疽諸瘡之初。用之宜

發毒。

防風 羌活 荊芥 金銀花 連翹

牛房子 黃連 黃芩 蒼朮

貝母 乳香 沒藥 甘草 各等分

右姜三片。葱白一根。煎服。次化疔內消散。

化疔內消散 癰疔初起。或針。或灸。而後服之

令內消。

皂角刺 金銀花 知母 天花粉

穿山甲 白朮 芍藥 半夏

乳香 甘草 各等分

束毒金箍散 治疔疽鍼灸而後餘毒走散作腫者。

訶金 白芨 白蘞 白芷

解毒大青湯 治疔疽鍼灸後入裏心煩謔語

玄參 桔梗 知母 大青葉

升麻 石膏 山梔 人中黃

麥門 木通 右竹葉十枚燈心二十根食遠煎服大便結加大黃悶亂加入糞燒。

一方 治一切疔瘡不問新舊諸惡瘡無名毒瘡妙効。

櫻皮大裏面着木白皮 沉香中 黃芩小

拔毒方 水煎溫服。

櫻皮燒存性 蝮燒存性

右二味等分為末和野豬脂粟粒大貼疔頭即瘡口破毒發愈輕者不用內服若重者兼服四物湯加桃仁紅花

○一法用右拔毒方敷紙貼之紙大倍於瘡貼後可甚痛野蒜燒存性和麻油敷茶之外五六分遠宜附之痛即止腫及其外則鹿角海蛤礬石各蝦細末少許和水敷之。

瘰癧馬刀氣腫痰核

柴胡清肝散 治肝膽二經風熱怒火頸項腫痛結核不消或寒熱往來嘔吐痰水又治婦人暴怒肝火內動經水妄行胎氣不安等症

柴胡通經湯 治小兒項側有瘡堅而不潰名曰馬刀瘡

柴胡 連翹 歸尾 甘草

黃芩 牛房子 三稜 桔梗各二分

水煎稍熱服

芩連二陳湯 治瘰癧生於少陽部分項側結核外皮漫腫色紅微熱或至缺盆高骨上下

發腫形長堅硬作痛。名曰馬刀。初起宜服此

芩連二陳湯。方見內科瘰癧門加桔梗連翹牛房子

天花粉木香夏枯草姜煎服

加味藿香散 治氣毒瘰癧。外受風邪。內傷氣

鬱。以致頸項作腫。肩背強痛。四支不舒。寒熱

如癰。及胸膈不利。

藿香 甘草 桔梗 青橘皮

陳橘皮 芫胡 紫蘓 半夏

白朮 白茯苓 白芷 厚朴

川芎 香附子 夏枯草 各等分

姜棗水煎服

防風解毒湯 治風毒瘰癧。寒暑不調。勞傷湊

襲。多致手足少陽分耳項結腫。或外寒內熱

痰凝氣滯者。並効

防風 荆芥 桔梗 牛房子

連翹 甘草 石膏 菝葜

枳殼 川芎 蒼朮 知母

燈心水煎食後服

連翹消毒飲 治熱毒瘰癧。過食炙煇醇酒膏

粱。以致蘊熱腮項成核。或天行亢熱溼痰作

腫不能轉側者効

連翹 陳皮 桔梗 玄參

黃芩 赤芍 當歸 梔子

葛根 射干 天花粉 紅花 各一錢

甘草 五分 大黃 初起便燥者加之

水煎食後服有痰加竹茹一錢

補中勝毒湯 治瘰癧已破者

益氣湯加生地防風熟地芍藥連翹

山錫杖湯 治馬刀瘰癧。或過一二年破。未破

并良。

山錫杖 五錢 青木葉 陰干三錢 桔梗 二錢

沉香 一錢 甘草 一錢

右為一貼。或為三貼。或為五貼。隨大人小兒。

分量異。若非瘰癧。則無効。瘰癧雖有一核。推

之底。如有根。或微痛也。痰核曾無痛。此藥右

分量。而可用五十貼許。大抵有効。雖然難得

全効。明年春又可服三十貼許。全愈。

一方 治瘰癧馬刀。一切結核。

常山葉自然汁。一盞半。輕粉半盞。和勻塗

之。不日消散極妙。

流注

夫流注者流行注住氣血虛弱人有瘀血痰火所干外風寒為此其初起胸連胸腹終臍中其形漫腫無頭皮色不變所發不定有脊背共。

加減小柴胡湯

初起用之宜去外邪風寒濕

熱痰火

柴胡

黃芩

甘草

半夏

人參

陳皮

茯苓

桔梗

牛房子

連翹

防風

羌活

右姜三片入煎服

加味太補湯

治未潰或潰不消元氣不足者

當歸

芍藥

川芎

熟地

人參

黃耆

貝母

連翹

藿香

防風

陳皮

茯苓

半夏

桔梗

各等分

姜二片煎服

琥珀膏

治注

大黃

鬱金

天南星

白芷

右細末用大蒜共搗打酒作膏貼之

便毒

便毒敗精五苓散。利便秘加大黃。寒熱小柴胡湯加沢瀉。梔子。溼熱便難八正散。龍胆瀉肝。通真奇。

龍膽瀉肝湯

治陰部時復。熱痒及臊臭。

柴胡

沢瀉

各一

車前子

木通

生地黃

當歸尾

草龍膽

各三分

水煎稍熱服。李氏入門有梔子。治肝經溼熱或囊癰便毒下疳懸癰腫焮作痛小便澀滯或婦人陰瘡痒痛或男子陰挺腫脹或出膿水。

通真散

治便毒如神

牽牛

大黃

歸尾

甘草節

白姜蚕

木鼈

穿山甲

好酒煎早晨空心服。崇川陳氏曰。治魚口便毒騎馬癰橫痃等症初起未成膿者。

黃耆內托散

治便毒痛甚。欲成膿者。

川芎

當歸

黃耆

白朮

金銀花

花粉

皂角針

甘草

沢瀉

水煎。潰後十全大補之類。

便毒下劑

蕎麥七分 大黃五分 川芎二分 甘草一分

右細末。分為三服。用酒飲下。至熟醉。

一方 下便毒。奇方

山梔二箇 鹽梅中者二箇

右二味燒存性。為末用巴豆二粒。去油和勻

煎茶。為二服。用一服。得快利。則止後服。

又方

牛膝 姜蚕各五分 全蝎五箇 惡實五分

川山甲三分 當歸四分 金銀花三分 甘草二分

水煎

敷方 便毒漸見赤色。亦能散之。

大黃生 黃礬生

右二味等分。細末和水。頻塗之。

又方

常山汁 見瘰癧門

又方

芙蓉葉陰干十紙 白芨 白斂各五分

姜黃錢 黃柏錢 五倍子錢 甘草三錢

右細末。用忍冬葉煎汁。和之。頻塗之。

一法

五香連翹湯。治便毒。有效。

○便毒血虛有熱。宜加味道遙散。

楊梅瘡

楊梅初起通聖散去麻服後去硝黃內外已通成調理加減通聖散

加減通聖散

防風 白鮮皮 赤芍 連翹

黃芩各八分 牛房子一錢 金銀花三分

山梔子 當歸各五分 荆芥 槐花各四分

姜蚕 甘草各二分

水煎服。○初起便秘加大黃一錢。○便難加

皂角三分。○胃弱食少加木一錢。陳皮半夏

各五分。○頭上多加芎八分。菝荷一分。○下

部多加牛膝黃礬各四分。○遍身多加木通

桔梗地骨皮各六分。○心火加黃連腎火加

玄參各四分。○氣虛加參芪血虛加地黃各

六分

五寶丹

治虛人結毒。

韶粉

三錢 銅打肉 隔紙焙黃 珍珠 勿見火

滴乳粉

極細末 琥珀 勿見火 硃砂 水各

右五味杵勻。湯浸蒸餅為丸。菴豆大。分作七服。弱者分十服。每服用土茯苓四兩煎湯服之。

搜風解毒湯

治楊梅瘡。新久并結毒。

土茯苓

十錢 薏苡仁

金銀花

防風

木瓜

木通

皂角子

白鮮皮 各五分

煎服。○經驗傳。土茯苓二錢。餘藥各五分。為一貼。或二貼。亦効。

○瘡毒後狂亂。茯苓補心湯。加土茯苓。

○瘡毒後一身悉痛。敗毒散。

○因遺毒。寒熱不言語。身痒。五香連翹湯。加陳皮。

○遺毒下血。或膿血諸茶不効。五香連翹湯。

○瘡毒。或遺毒。痛甚難忍。治方

大白蛇

茶肆通 用者

鹿茸

右二味等分。燒存性為散。半寸匙許。以山梔子煎湯。送下。日三服之。至七日。

疥癬

乾疥便秘。清涼飲。便利翹芩四物湯。安肺風

面刺。樺皮散。久虛腎氣丸。烏荆丸。

樺皮散

治肺臟風毒。遍身瘡疥。及癢疹癢痒

搔之成瘡。又治頭上風刺。及婦人粉刺。

荆芥

杏仁 各二

甘草 半斤

枳殼

樺皮

各四

為末。每二錢。食後溫酒服。

古烏荆丸

川烏

一兩

荆芥穗 二兩

為末。醋糊為丸。梧子大。每服二十九。溫酒下

祛風敗毒散

治風瘡疥癬。癢疹。赤白癩風。赤

遊風。血風。瘰癧。丹瘤。及破傷風。在上部加桔

梗。在下部加牛膝。

芫胡

五分

前胡

赤芍

枳殼 各五分

羌活

川芎 各八分

獨活

連翹

姜蚕

七分

荆芥

牛房子

蒼朮

菴荷

六分

蟬退

甘草 三分

姜三片煎服。時毒。去蟬加防風。

○溼疥便秘。通聖散。氣滯。復元通氣。先便利。為脾虛溼熱。補中益氣。加芩連芎芷。脾筋盜汗。歸脾劑。胃火作渴。竹葉黃芪湯煎。溺澀腹脹。胃苓湯。主加芩連脾肺風毒首烏痊。

何首烏散 治脾肺風毒攻冲。遍身癬疥癢。或生癰疹。搔之成瘡。肩背拘倦。肌肉頑痺。手足皸裂。風氣上攻。頭面生瘡。又治紫癍。白癍。頑麻等風。

蔓荊子 葳靈仙 荊芥 防風
蚶蚞草 何首烏 甘草各五分

祛熱搜風飲 治疥及膿疱瘡

金銀花 苦參君 柴胡 生地黃
黃芩 黃蘗皮 黃連 荊芥臣
連翹 薄荷 獨活 枳殼
防風佐 甘草使

食遠熱服

○疥瘡因誤治。毒氣內陷。手足腫。大小便澀。敗毒散。加猪苓。沢瀉。木通。生大黃。

一法 治前證

用芥。細剉。灌湯。和粥。內食。

癬瘡

敷方 治諸疥癬。牛皮癬。四胯頑瘡。痒痛不止。名并驗散。

大風子 取肉四兩。揀去干癭者。別搗如泥。用指蘸。無渣。為度。 生白礬 別研細
枯白礬 別研細。各一錢二分。 輕粉 別研 水銀 各一錢 障腦 二錢半。別研
右五味。共一處。再碾方。入楓子泥內。搗極勻。再將臘猪脂。熬清。汁六七匙。天時冷。恐乾燥。得數匙。和入。令勻。每晚洗後。擦若患膿腐瘡。輕々塗之。四五六晚。全愈。

○癬瘡。渾身出。諸藥不效。神授衛生湯。去大黃。加蒼朮。

神授衛生湯 治癰疽發背。腦疽對口。丹瘤。癰瘰。惡毒。疔瘡。濕痰。流注。及外科一切瘡症。但未成者。即消。已成者。即潰。能宜熱散風。行瘀。活血。解毒。消腫。疎通臟腑。且藥性平和。功效甚速。誠外科首用方。

羌活八分 防風 白芷 川山甲土炒
沉香 紅花 連翹 石決明煨各六分

藤癩 癩風 破傷風 外科十三

金銀花 皂角刺 歸尾 甘草節

天花粉各一 乳香五分 大黃酒二匙若虛便利者不用

水煎。病在上部。先服茶。後飲酒一杯。痛在下部。先飲酒一杯。後服茶。先用荊防敗毒散。

賺瘡

先用荊防敗毒散發散之。次與五積散。加酒洗大黃。熟附子。若不効。宜用竹葉黃耆湯。
○一法 當歸粘痛湯極効

敷方

川蠟

右摺塗之。○敷方多見諸書

癩風

敷方

樟腦半兩 龍腦少 雄黃半兩

右為末。以綿布包之。浸醋以火煖之。熨癩風上。最妙。

○治白癩風

蜜陀僧大 輕粉少

右和勻。以蒼耳汁。敷之

○治黑癩風

丹 硫黃等分

右細末。以醋練之。敷癩風上。凡五日許敷愈。

瘡瘡

○白瘡之方

鯽魚三兩重 右去腸。以亂髮卷之為霜。細末入雄黃一分。以麻油敷之。

破傷風

桃仁湯 治從高墮下。腹中瘀血滿痛。

桃仁 蟄蟲各三 荆芥半兩 大黃 芎藭各三

當歸 桂心 甘草各二 蒲黃五兩

右九味。水煮取三升。分三服。

調營活絡飲 治失力閃挫。或跌撲瘀結。大便

不通。腰脇小腹急痛。

大黃酒浸 牛膝生 當歸尾 桃仁炒研各

赤芍藥 芎藭 生地黃酒浸 羌活各二

紅花 肉桂各五

水煎。食前溫服。臨服入地龍末一錢。如病久

不能取効。加生附子尖。炮穿山甲末各半錢。人參一錢。

當歸導氣散

治跌撲瘀血內壅喘急便秘

大黃

酒浸一兩

當歸

三錢

麝香

三分

為散每服三錢熱酒調日三夜一服。

自然銅散

治跌撲骨斷

自然銅

煨通紅醋淬七次放溼土上月余用

乳香

沒茶

當歸身

卷活等分

為散每服二錢醇酒調日再服骨傷用骨碎補半兩酒浸搗絞取汁冲服。

乳香定痛散

治跌撲傷筋

乳香

沒茶各半兩

川芎

白芷

赤芍

丹皮

生地黃

各七錢半

甘草

為散每服四錢醇酒和童子小便調日再服。大便秘加酒大黃筋傷用生牛膝半兩酒浸搗絞取汁冲服。

○破傷風證因擊破皮肉風邪襲入而發熱腫脹治法與感冒不異。又諸瘡潰後風邪乘虛內襲其候最急往往視為尋常致變種種多有不可救療者亦有瘡熱鬱結多著白痴。

瘡口閉塞氣難宣通而熱甚生腐者或有用

湯淋洗溼氣從瘡口中入其人昏迷沉重者

或有用艾灸火烘火氣逼入而煩躁發熱者

但須辨瘡口平無汁者破傷風也瘡口邊出

黃水者破傷濕也瘡口嫩腫赤色破傷火也

其湯火之毒亦與破傷風無異。

○患處復加腫赤神昏少食不分經絡者穿

山甲一錢匙蜈蚣末半錢匙麝香一字濃煎

葱白香豉湯服之患上用葱涕調炒飛麩塗

之。

○三陽而不及三陰者意謂風邪在三陽之經。便宜按法早治而愈。若待傳入三陰其證已危。惟天靈蓋煨一錢匙穿山甲半錢匙麝香一字為散濃煎葱白香豉湯服之。

九味羌活湯

治太陽經感冒風邪

羌活

防風

蒼朮

酒浸去皮

細辛

五分

川芎

白芷

生地黃

黃芩

各八分

甘草

炙六分

葱白

三錢

生姜

三片

大棗

一枚

水煎溫服覆取微汗。

芎黃湯

治破傷風便秘溺赤

破傷風

外科十五

川芎

黃芩各錢半

甘草錢一

葱白四莖

香豉一合

水煎溫服覆取微汗

大芎黃湯

芎黃湯去甘草加酒大黃三錢。菴活錢半。

左龍丸 治破傷風牙關緊急

左盤龍即鴿糞 白姜微炒 雄黃一錢

鰾膠蛤粉炒 各五錢

為末飯糊丸。梧子大每服十五丸。溫酒下。日

三服。如證重不已。每茶末一錢。飯糊中加入

巴豆霜五釐。每服中加一九。如此漸加至十

丸。以利為度。

張氏醫通纂要卷四終

真

證



每部須認
此圖記

安永五丙申年春三月發行

浪華書肆

星文堂
定榮堂全梓

清石頑道人所著。醫通之為書也。補探索古
醫方後世方。而撰之。補瀉寒溫。和汗吐下之
法。大備。究萬世方術之淵源。清康熙帝。勅登
梓。既渡。本邦。歷年稍久。往年謙齋先生。就
其書。研精于連珠。蒐獵于碎金。提其要。為小
冊子。題曰纂要。僕嚮因玄順先生。授醫療手
引草。印刻行于海內。頃又懇請纂要。携歸于
家。僕數世以販書為業。四方諸君子。賜顧恒
蕃。庶焉。儿上兼纂要閱之。贊聲洋洋。乎盈耳。
曰於戲。水中之鹽味。色裡之膠青。纂醫通。而
倍。醫通實是青囊家必用。真可謂至寶。盍乞
需登梓。諸僕以諸君子之言。告玄順先生。先
生莞爾曰。苟為濟生之一助。則豈惜之哉。僕
於是不勝雀躍。壽乎永世。而布乎四方。謹記
其來由。

安永五年丙申春正月 鳥飼昭書



烏巢先生著述書目并藏版醫本目錄

傷寒通玄類證

全部壹冊

金匱通玄類證撰註

未刻

醫療手引

上編中編刊行
下編未刻

全部二冊

同續編

上中下三編各二冊

近刻

同別錄

未刻

般方規矩方解大成

全二冊

本方良醫賢達試用治驗的切之蒸方考解

張氏醫通纂要

全部五冊刊行

治痢經驗

內經。金匱。治論。本邦名古屋丹

水子。北山友松子等。治例方考弁明。治痢

詳記

和韓人參考

稻若水之論。并朝鮮人叅會

糾諸參。筆語畱錄。韓參。和參。品類真偽弁

明

右兩書合刻全二冊

同後編

附錄家授切帛傳

全一冊未刻

六八本艸

中山氏片玉
本草頭書

全二冊近刻

醫方捷經

方的的効方六經證治要領

全一冊

中條流產書

村山林益著
旭山先生關

全部七冊刊行

王機微義

明劉宗厚著

全部五冊刊行

黃帝內經。仲景傷寒論。金匱要畧等經旨

蒸方。并病門悉引證而發明於治術。及後

世折衷。孫真人千金方。張子和儒門事親。

王壽外臺秘要。嚴氏河間。東垣。丹溪。其餘

諸名家之方論。而錄之。內經。傷寒論。金匱

此外諸子之方法。依附病門。貫通古方後

世方。而治療有益之書也。

刪補方要

好生子著
名古屋玄醫閱

全部五冊

好生子。行于世。回春等雜駁之書。歎誤治

療。仲景傷寒論。金匱之方。其餘雖後世方。

撰可用者。頒病門百二十。附二千有餘方。

和漢名醫方考。治論載之。濟生之良書也。

錦囊外療秘錄

全部一冊刊行

腫物悉圖之。治方。膏茶方。記于詳。下疳。便毒。

五痔。楊梅瘡。濕毒一切。經驗之良方。悉集之。

錦囊妙茶秘錄

明王夢蘭著

全部一冊刊行

單方。古方。疾病沉痾。治口如神。的中之要方。

天文醫案

三喜齋稿本

全一冊刊行

仲景全書正誤醫宗金鑑 全一冊

藥種名寄帳前後集有國字 全一冊

巖氏濟世方巖用和 全部五冊板行

張氏本艸清張路王 全部二冊近刻

是則在於醫通全本之中。本草逢原也。本

邦茶店所贖之茶。真偽弁明。和茶。唐茶。能

否。悉辨之。附于卷首。

張氏醫通醫按同人撰 全部五冊未刻

本艸弁明茶能毒真偽弁明 全部一冊

合類眾方規矩大成 全部一冊

副古方後世方經驗丸散 良醫家秘記之

華佗中藏經諸家秘方記之 全部五冊合本一冊

小兒活法小兒療治本并秘方輯錄 全一冊

增補燈下集啓迪院道三先生 之書

痘疹撮要痘瘡麻疹療治本 全部五冊

浪華書肆 高麗橋第一街 藤屋除兵衛

浪華書坊 心齊橋南第四街 吉文字屋市兵衛



